


## ICIPUTULWA ICAWAMISHA

 Natukontamike imitwe yesu nomba mwi pepo. Ilyo imitima yesu ne mitwe yesu ili iyakontamikwa kuli Lesa, ine—ndesunguka ni banga muno abakwete ica kulomba ico bengafwaya Lesa ukwibukisha, pa kwimya fye amaboko yenu? Nomba, ikatilileni icakulomba cenu mu mutima wenu nomba ilyo tulepepa.

<sup>2</sup> Shikulu Yesu, Imwe mwe—mwe Kafukauka, Kafukauka akashikama aka Mweo, pongololeni muli ifwe ilelo, Shikulu, kabili tusangululeni kufuma kukukana cetekela konse no lubembu lonse, pa kutila twingeminina mu Mulola Wenu nomba, ukwishiba ukutula pali ukukabila pakati kesu, icakutula ifwe twalishiba ukutula tuli babembu kabili tatuli—tatuli abalinga pe palo ilili lyonse. Lelo lyena ilyo ifwe twatontonkanya pali Wene Uyo uwaishile no kusenda imembu shesu! Lyena, ilyo Mulopa Wakwe uli kulya, tacaba—tacaba ni fwe mu Mulola wa kwa Lesa, cena ni Wene. Cena caba fye ishiwi lyesu ukupitila mu Mulopa Wakwe. Umulopa Wakwe ulelenda. Mwe Lesa, lyena sangululeni imitima yesu ukufuma ku lubembu no ku kanacetekela.

<sup>3</sup> Peni kuli ifwe ukukabila kwa mutima wesu, pantu ifwe mucine twalikwata ifi fyakukabila ukubombela Imwe. Muli iyi mibele iya nakuka nokucushiwa, ne fintu fye sonde ifyo fibikwa pali ifwe inshita imo, ku kutulenga ukupwililika; ifwe twalyebwa cilya. Elyo Atile, “Mwitontonkanya cena ukube ceni ukutula aya mesho yaisa.” Yena yalebomba fye ku busuma bwesu no kutulenga ukuba abapwililika, no kutuleta muli cilya cifulo. Ifi fiswebebe ifikalamba ifya kwishiba, uko abantu abalungami ba bumbwa mu ba mushilo, ifwe—ifwe tuletasha Imwe pali ifi fyakwishiba, Shikulu. Ifwe teti tucite, nangu cibe fyo ukufwaya ukucite icili conse icapusana ku bufwayo Bwenu. Lelo tulepepa, Tata, ukutula muli ici twalapalamikwa nganshi kuli Imwe.

<sup>4</sup> Kabili ilyo ifisendo fya fina nganshi ifwe teti tutwalile, lyena tulemya amaboko yesu no kubilikisha kuli Shifwe. Lyena umfweni ukufuma ku Mulu, Shikulu.

Tundapeni, tulengeni ukuba abatuntulu, pa mulandu wa Bufumu bwakwa Lesa.

Paleni Icebo Cenu muno lucelo, Shikulu. Icebo Cenu e Cine.

<sup>5</sup> Kabili natulongana muno nomba mu lukuta. Ifwe tulepepela Munyina Neville, kabili na Munyina Capps, na Munyina Collins, na bonse abashala ba kapyunga, kabili

na—kabili na ma trustees, ba dikoni, na lonse ulukuta, kabili na beni mu mansa yesu. Leken i buno bube ubushiku ubo tubebukisha inshita itali, pa mulandu wa Mulola Wenu.

<sup>6</sup> Ifwe tuli muno mukusubila ukukalamba muno lucelo, Shikulu. Ukucimona fye mu kashita fye akanono, ukwitwa capamo. Tuleumfwa ukutula cena ni pe pange limo. Leken i pange lyenu lifikilishiwe, Shikulu. Pantu twalombela Cena mwi Shina lyakwa Yesu, ilyo tuleipela fwe bene. Amen i.

<sup>7</sup> Cisuma ukuba muno kabili ukulongana no lu lukuta ulwaisulamo abantu. Nshacilasubila ukubamo nangu umo muno muno lucelo, pantu nshaishibe nangu panono, ne mwine, nali no kuba muno.

<sup>8</sup> Ifwe twishile fye ukufuma ku Filadefia. Kabii e ico nacisa, ukutontonkanya na ciba no kuya ku Arizona bwangu bwangu, ukuyakwata ukulongana kwa cililo ica kwa cibusa wandi, Captain Jim Moseley, umusuma nganshi, umulumendo wa bulesa natungulwile kuli Kristu te kale sana, ba munyina ba Moseley batatu. Kabili umo muli bena aliwile, kabili ali mundeke ubushiku bumbi, kabili alipaiwe apo pene. Alele mu mulilo pa ma ora ikumi limo lintu tabalamufumya. E ico Lee ali ne myaka ya kufyalwa amakumi yabili na cinekonse konse, umukashi wakwe amakumi yabili na mutanda, kabili—kabili asha abana abanono batatu; uwa bubeli, cinelubali. Cabulanda sana. Kabili bena. . . Ilyo ba musendele mulya, elyo bena bali mushikile ubushiku bwakonkelepo. E ico ine fye. . . Ine nshaile fye. Kabili nalembele fye, atemwa ukutuma telegram, ifyo nali no kuya sosa, atemwa ifyo nali nokusosa pa cililo cakwa Munyina Moseley. Fimo ifi fintu tekuti tufiluke, lelo nomb a Ena alalenga ifintu fyonse ukubomba fye bwino.

<sup>9</sup> Ifwe tuli muno mu mulimo wa kwa Shikulu, muno lucelo, ukwishiba ukutula—ukutula—ukutula twalacetekela Lesa, ukutula ifwe twalacetekela ukuti Ena ali no kulenga fye ifintu fyonse filya fine fye bwino. Te mulandu ifyo cena cili, kabili umusango cilebombelelamo, twalishiba cilingile uku “ukubombelako mu busuma.” Ena alilaya cilya. Cena cilingile ukuba fye ulyo musango. Inshita shimo tekuti twiluke cilya, cilaba icakosa sana inshita shimo, lelo nomb a twalishiba ukutula Cena Cine, pantu Baibele isosa ukutula cena Cine. Kabili Baibele, kuli ifwe, ni Lesa mu musango wa nkalata.

<sup>10</sup> Nomba, tulingile ukubika icitetekelo cesu pa cifulo cimo. Kabili nga—nga ine atemwa uuli onse muli ifwe, mu bumi, aeseshe ukukwata ukulunduluka mu bumi no kuba, inshita ishing i, uwa nonka sana, lelo ni cinshi ico tuli nokucita na cilya? Ifwe tulingile ukwisa ku mpela ya musebo, kabili cinshi—busuma nshi ubuli kuli ifwe lyena? Mwamona? Kabili indalama shaba li—libula, shaba icakukabushanya, lelo tekuti mukabushanye no Mweo. Lesa fye eka alikwata Umweo.

<sup>11</sup> E ico ifwe—ifwe natwishiba ukutila twaba pano mu musango wa cishili icituntulu. Kabili ilyo lyonse ilyo kuli icishili icituntulu, kulingile kwaba icituntulu. Te kuti kube icishili icituntulu ukwabula icituntulu, mwamona, umulandu ni pa mulandu wa cintuntulu ico cilenga ico cishili icituntulu. Kwati imwe mwalikwete icikope icishili icituntulu ica cipe cimo. Kulingile kwaba icipe ku cifulo cimo, atemwa ukwikashiwa, ulubuuto lulekasha mulyo mwakumwena, nga te ifyo tekuti kube nangu cimo—nangu cimo icishili icituntulu. E ico ilyo twamona ukutila ubumi bwesu pano buli mu cishili icituntulu, nokwishiba ukutila tuli mu cipasho ca bumi bumo ku cifulo cimo, lyena twalishiba ukutila kuli icituntulu ku cifulo cimo uko lubuuto lwaikeshe, kabili nacilangisha icintu cimo pano pe sonde. Kabili ifwe twaba fye kulya ukulangisha. Icipe icine cine cili ku cifulo cimo. Nga cilya tacili, ndi muntu uwa bipisha uwa bepwa mwi sonde; nalikala ubumi bwandi apafye. Lelo nalishiba, ukwabula ukutwishika nangu kumo, ukutila kwaba kulya. Mwamona? Ulya e mulandu wine tuli pano. Mwamona?

<sup>12</sup> Ilyo namumona imwe mwe bantu mwaisa ukufuma mu calo conse, ukwishibisha ukwa nshita inono, kabili nshita imo ukweshwa, lyena cilanenga ine ukumfwa umunono sana ilyo naisa mukulongana ngo ku; ukutontankanya ukutila ninjishiba abantu na benda ba mailoshi imyanda, ukuba fye muno pa ma miniti ayanono aya kulongana, ukwikala fye muno.

<sup>13</sup> Umwanakashi umo asosele fye fimo, aishile muno ubushiku bumbi kabili atile, “nangisha uko mwaume aendele, kabili leka nyende ukumukonka kunuma, pa mushili,” atile, “nalapola.” Nomba, abantu balacetekela iwe nga filya, kabili uli inkombe yakwa Kristu, lyena ni cinshi ico tulingile ukucita? Ifwe tulingile ukuba abacenjela nganshi, pantu iwe tauleyonaula fye we mwine ne calubana, iwe uleonaula bambi abo abalekukonka.

<sup>14</sup> E ico, nshaishiba icilonganino nangu cimo atemwa nangu cimo ica kumutwalako. Kwaba fye icintu cimo ico nakwatilamo icitetekelo candi. Nga mwalincetekela, mulekonka ifyo mweba. Pantu, ndecetekela Baibebe, cilya Cebo cakwa Lesa. Ifintu fimbi filafilwa. Ndifye. . .Ena e Mweo. Ena e Cebo.

<sup>15</sup> Nomba, ninjishiba ukutila imwe. . .Ilyo naisa kuno, ndamisunga inshita itali. Nalipepa kuli Lesa, ilyo nacumfwa ngo ulefwaya ukwisa kuno ilelo. Nalikwete ifyakulanshanya ifingi nganshi na malamya, kabili na fimbipo. Nacibakumanya bamo muli bena muno lucelo. Kabili natile, “Cisuma, Munyina Neville ukwabula ukutwishika aipusha ine ukulanda.” Cilya cali pali Cisano. Kabili natile, “Munyina Neville nalimo alanjipusha ukulanda. Kabili ilyo nacita, lyena ndepepa,

Lesá...” Kwena na kukaba nganshi, kuli ukwakaba nganshi. Kabili Ena ali umusuma ukututumina imfula no konaula ukukaba ukwapulamo, kabili ukutupela ulucelo lusuma muno lucelo. Ndepepa ukutila ubusuma Bwakwe buli no kusanshilwa pali cila umo muli imwe bonse, ukutila imwe lyonse mwakulaibukisha ukuba muno muno lucelo. Lekení inkumbu Shakwe na mapalo yabe pali imwe!

<sup>16</sup> Mailo ubushiku nalipempwile umunandi uyo wali umulwele, Munyina Bill Dauch. Nshilemumona muno muno lucelo. Nangu cibe fyo, nshilecita. Owe, uyu ali apa. Ena ali. . .Ee. Kabili nalentonkanya, “Umwaume umukote uwa myaka ya kufyalwa amakumi pabula na cimo, kabili nalyo line ukwenda mukati ka—ka calo, ukupita mufiswebebe, kabili pa mulu wa mpili sha menshi makasa ne misebo iyatelela. Ena talingile ukucita cilya. Lesa aliba umusuma kuli ena; ena talingile ukucita cilya. Ena kuti aba kunga’nda no kukwata aba bomfi no kumupupilisha umwela, nga lefwaya ukucita.” Lelo, icntu cimo calicitike kuli Bill Dauch, ena alifyelwe cipya cipya. Kabili ilyo cali fyo, icintu cimo caishile mu mutima wakwe, ukutila fyonse ifyo abelapo no mweo caba ukusangwako muli uku kulongana. Kabili elyo nga ndi nokuba akanwa kakulandilako ka kwa Lesa, kuti na bepa umunandi? Kutu natemwa ukufwa. Kanshi lekeni ine mwebe filya fine ico caba Icine ukufuma muli iyi Baibele. Kanshi, cilya Cebo cakwa Lesa. Ndebwekeshapo fye ifyo Asosele.

Nomba ndefwaya ukubelenga fimo ukufuma muli Baibele.

<sup>17</sup> Ilyo tatulabelenga, kuti natemwa uku—ukusosa ukutila ndecetekela muno bushiku ninshita ya bushiku ya mulalilo. Kabili imwe mwe baba kuno kwine. . .Pantu, abantu bambi nalimo balabwelelamo ku mayanda yabo, pantu balingile ukuya ku ncito. Imwe mwe baba kuno kwine mu lukuta, ibukisheni, ba munyina balapela umulalilo inshita ya bushiku.

<sup>18</sup> Nomba, ndelolela ubwite bwakulekelesha ubwa ku Africa. Bena tekuti, tekuti bansuminishe ukuyamo nga minshoni. E ico musango fye umo ningaya mulya, kulya. . .Ndeya ku Kenya, Uganda, kabili—kabili Tanganyika. Kabili umusango fye umo uo ningelamo. . .Intanshi, inkuta teti shikusuminishe ukuyamo. Pantu balefwaya ine ukushimikila icintu cimo kuli *ulu* lubali na *lulya* lubali, mulya mu Africa. Kabili nshakayemo nga filya. Ine tekuti mbe bumbi munda nganshi ukucita cilya. E ico ine limbi ndabeba, “Iyo, mukwai, nalashimikila fye ifyo Lesa abikile pa mutima wandi, kabili cilya e pela fye.” Mwamona? Kabili ndi uwashininkisha cena tacakabe ico bena baleesha ukunenga ine ukusambilisha. E ico, imbatisho sha bene batatu, na fimbipo nga filya, no kotalikishanya na bena. Iyo.

<sup>19</sup> Lelo naliitwa ku musonkano ukalamba, na Munyina Boze. Ena ali fye mupepi no kwisa ukumona ulubuuto lwa kasuba

pafyo twacetekela. Kabili e ico nalilomba ukuyamo kwati naleya pa bulendo bwa kulunga. Nga bena kuti bansuminisha ukuyamo, kwati kuya mukulunga...Nga kuti nakwata umuntu umo ukusosa bena kuti ba nsenda mukulunga, lyena ilyo nafika mulya, doctor—doctor aba kulya ku ofeshi lya nkombe, munandi ine wine, ukufuma ku Chicago. Kabili lilya line naingila mulya, ena akasosa, “Cisuma, uyu pano Munyina Branham kuno lubali. Lekeni tukwate ukulongana.” E ico, panuma ndi kulya, iofeshi lya nkombe tekuti lintamfye, nga bena...E ico bena baleesha ukubombela pali cena nomba. E ico ndesubila ukutula cena...Nga cena bufwayo bwakwa Lesa, cena cili no kubomba ulya musango. Mwamona? Cena—cena cipelwe fye kuli Wene. Nga teifyo, lyena ndi no kumishibisha. Nshakacite... .

<sup>20</sup> Nga caba ubufwayo bwakwa Lesa, lyena, ndefwaya ukulanda pa Ntandala Cinelubali. Kabili cilya cili nokuba nalimo ukulongana kwa nshiku cinekonse konse, kabili tatwakabe pano pa tabernacle, nalimo. Ifwe tuleesha ukukwata icikulwa pano.

<sup>21</sup> Nomba nshatalile tontonkanya, pali ici cikulwa camangalo icikulilwe fye kuno, ni palya pene epo namwene Yesu inshita yakubalilapo mu cimonwa. Nomba nacikulwa, icikulwa ca mangalo ukukulwa palya pene fye pa cifulo cimo cine. Naile palya pene fye ubushiku bumbi, ukuyamona. Ilyo nalolekeshe no kumona Wene ukulolekesha ukutonta ku kabanga, muleibukisha ine ukumweba cena, ilyo nali kunse kulya ukupepela batata; u—umulumendo umunono, kashimikila umulumendo fye. Palya epo na mumwene Wene. Ulutampulo, ukulolekesha pali Wene; Ena alino mutwe Wakwe ukupilibukila kulubali lwandi. Natendeke ukulaenda enda, kabili Ena ukuwamya pa mukoshi wandi, mwibala lya fifuti. Nalitwalilile ukulolekesha, kabili Ena tatalile ukupilibuka. Lyena nali itile Ishina Lyakwe, “Yesu.” Kabili Alipilibwike, atambalike amaboko Yakwe, kabili cilya fye ceka e co njibukisha mpaka ilyo akasuba katulile. Kabili e ico naishile bwela ukufuma mwibala, ilyo akasuba kaletula.

E ico nalimo Shikulu akansuminisha ukushimikila shilye Ntandala kulya. Konse cingabela, ubufwayo bwakwa Lesa bucitwe.

<sup>22</sup> Pilibuleni mu ma Baibele yenu nomba, muli Esaya iyalenga makumi yasano- . . . icipandwa ca 53 ca Esaya.

Nomba, ifwe tulesubila ukutula Lesa ali no kupala amatontonkanyo yesu ayanono ayakwisa capamo muno lucelo. Ifwe twishile fye ukufuma ku Filadelfia, uko nali ku musonkano wa Baume Bashimakwebo ba Mbila nsuma yonse, no kumfwa ku ma bunte yabo aya pusana pusana kabili nafimbipo, kulya lubali.

<sup>23</sup> Elyo ine, mu nshila mulya, nali... Billy Paul na ine, na Rebekah no mukashana umunono wakwa Collins, umunono Betty Collins. Kabili Billy ala sendama sana, lelo Becky ali bako bwino, kabili e ico ine... Betty na ine twalelanda. Kabili ena aikele kunuma na Becky ku cipuna ca kunuma. Kabili nalimwene icintu cimo pa musebo, ukucitika; kabili, ilyo nacitile, icintu cimo calinjikete. Kabili Betty, nga ali muno, alimwene nali lekele ukulanda no kutendeka ukulemba icintu cimo palya. Palya epo nafumishe ilisambilisho lya muno lucelo.

<sup>24</sup> Nomba natwiminine pa nkasa shesu. Nga ifwe... Nomba tuleiminina mukupela umucinshi Icebo cakwa Lesa, ilyo ndebelenga Esaya icipandwa ca 53.

*Nani uwa sosa ati ca cishinka ico twasosa? ni kuli ani ukuboko kwa kwa YEHOBA kwasokolwelwa?*

Moneni, lyena lipusho, icakwambilapo.

*Awe akulile nga nimbo ku cinso cakwe, ngo lulembelya ulwafuma... mu mushili uwaumisha: takwete cata nangu kupulama; ifya kuti tu mumweneko, takwete no kumoneka ukwakuti tumutemwe.*

*Ali uwasulwa kabili ukukankambwa ku bantu; umuntu uwa fya bulanda, ... uwaishibana no bucushi: kabili ngo muntu uo bashulukako ifinso; ali uwasulwa, tatwamulinga uwakwangwa.*

*Cine cine amacushi yesu wene asenda, kabili atwikwa ne fya bulanda fyesu: na ifwe twamulinga uwapumwa, uwaumwa kuli Lesa, uwalengwo bulanda.*

*Lelo alashilwe pa fya bupulumushi fyesu, kabili afwantilwe pa ma mpulu yesu: ukulimuna ukwakutumwenamo ubutuntulu kwaponene pali wene; na mufipumo fyakwe e mwaishile ukupola kuli ifwe.*

*Ifwe bonse twalubantile nge mpanga; twaalukile umuntu no muntu ku nshila shakwe; na o YEHOBA aponeshe pali wene ama mpulu ya ifwe bonse.*

*Alecilikishiwa, no... alescushiwa, lelo taasamwine akanwa kakwe: atwelwe nge mpanga kukwipaiwa, filya mpanga nkota ishima ku cinso cabaibeya... taasamwine, taasamwine akanwa kakwe.*

*Afuminwe mulufyengo na mukupingula: na ba nkulo bakwe nani uwa muli bene atontonkanya? ukuti ilyo aputulwa ukufumiwa mu calo ca ba mweo: ni pa bupulumushi bwa bantu bandi icipumo ca muponene.*

*Balingile ne nshishi yakwe pamo ne mbifi, ali pamo no mucindami mu mfwa yakwe; nelyo tatala cita ulufyengo, na mukanwa kakwe tamwali kufutika.*

*Lelo YEHOPA atemenwe ukumufwanta icibi; ena . . . amulenga ubucushi: ilyo mukacita umweo wakwe ube lambo lya lubembu, akamona ubufyashi bwakwe, akatantalisha inshiku shakwe, ne cakubekelwa cakwa YEHOPA cikafukila mukuboko kwakwe.*

*Akamone fikafuma mukucucutika kwa mweo wakwe, akatemwa: mukumwishiba emo umubomfi wandi uwalungama akalungamikila . . . abengi; apo wene atwikwa nama mpulu yabo.*

*E ico namwakanishe cakaniko mu bakankala, na . . . akakane catapwa ne mpalume; apo apongolwele umweo wakwe ku mfwa: no kupendelwa pamo na ba pulumushi; lelo kwena asendele ulubembu lwa bengi, no kupapatila abapulumushi.*

25 Tata Lesa, Icebo Cenu e Nyali, Ulubuuto ulo lusanika inshila iya wacetekela onse mu Mulola wakwa Lesa, ilyo Lwena luletutwala ifwe nge nyali mukuboko kwesu. Imwe tamwapela ifingi pakutila twingamona impela ukufuma ku ntendekelo, lelo ndeenda ne citetekelo. Lelo nge fyo muntu engenda mu mitengo ya fita mu bushiku, kabili palya epo tubelele; ulubuuto ulo aikatilila, lupela fye ulutampulo pa luntampulo. Lelo inshila, nangula ileya pa mulu, endeni fye no Lubuuto. Kabili lekeni Ulubuuto lubalike ilelo pa Cebo, ukututungulula ifwe ulutampulo lumo pa ntanshi ku Bufumu bwakwa Lesa. Pantu twalombela cena mwi Shina lyakwa Yesu. Amen.

Kuti mwaikala.

26 Isambililo ilyo ndekabila ukulandapo ku lukuta ilelo ni li: *Iciputulwa icawamisha* .

Cena kuti camoneka limbi iceni ukusenda A—Amalembu ukubelenga nge fi, iya—iya cimo icafwantwa nganshi kabili icikope ca bupondo ica muli Baibele, ukutila ilyo Baibele itila, “Uyu Mubomfi wapwililika uyo wacushiwe, no kufwantwa, no kulepulwa,” lelo nombamba ukusenda isambililo ukufuma kuli cilya, ilya, *Iciputulwa icawamisha*. Icen nganshi. Lelo ndi . . .

27 Amano yandi yaletontonkanya, muno lucelo, ilyo tulebwelelamo kunuma, ndecita, pa myaka inono. Balinjitile kulya ku Forest Lawn, mu—mu California, pa mulu wa Los Angeles. Ipange lyandi ilya kubalilapo ilya kuya kulya lyali ukutandalila i—inshishi iya—iyakwa Aimee Semple McPherson, uwa tampile akabungwe ka Foursquare. Kabili nalile kuyakwe—inshishi yakwe. Kabili nangula ine—nalipusana no mwanakashi, nga kapyunga, lelo, nombamba, mu mutima wandi, ndepela ukutotela no mucinshi pafyo—pafyo aimininepo, muli o—ora, kabili nokupakaswa ne fintu ifyo wene apitilemo, kabili mu nshita yakwe ukuba pano pe sonde. Kabili lyena pa wakwe—umwana wakwe uwatemwikwa, uyo waba cibusa wandi, Rolf McPherson.

28 Kabili ibumba lyaba kapyunga, twalile kulya. Kabili bena...ifwe tatwakwete inshita ya kuya mu—mu...mukati ka—ka ncende uko bena bocela, kabili ukubika i—imibili muka—kabokoshi akanono ku mbali ya cibumba.

29 Kabili mulya balikwata ifintu fimo ifyapulamo, icapala ngo Mulalilo wa Kulekelesha. Kabili cena cibusushiwa ku lubuto lwine ulwa kasuba. Kabili bena—bena balikwata insolokoto iyo ibapela bena...Ilyo bena baingila mukati, cena lubuuto; kabili elyo ilyo—ilyo batendeka ukulanda, mulafita. Kabili panuma ya kashita conse cilesa mukuba mfifi, kabili elyo abantu balafuma panse. Kabili bena balakwata Umulalilo onse.

30 Kabili umwanakashi uyo wakwete inkama ifya kubika ili galashi muli iyi incende, cinshi, ukupanga ifi fikope, cinshi, cena—cena caishile ukupitila mulupwa, pa myaka ingi kunuma. Kabili icalengwa capelwe fye kubana, kabili uwakulekelesha ali umwanakashi. Kabili bena baletyanya ici cikope. Kabili ilyo baile mukubomba no koca i—igalashi, ukuliipika, ica kwa Yuda Escariote, lyalipokele. E ico lyena bena balyeshe cena nakabili, kabili cena calipokele nakabili. Kabili umwanakashi atile, “Nalimo Shikulwifwe talefwaya icikope ca mulwani Wakwe, ku lubali Lwakwe.” Kabili atile, “Nga capoleka nakabili, ifwe tatwapwishe icikope.” Lelo calikete ilya nshita. Kanshi, mucine, cilya cali icintu cakwikasha, kabili ifyo kutila ifintu fya musango ulya kuti fyacitika.

31 Lelo, lyena, cimo pa fintu ifikankala ica nsekeshu mu Forest Lawn, cali cakwa Michelangelo’s, icabaswa icikalamba, i—icipanshanya cakwa Mose. Cena caba—caba ica bwekeshiwapo kulya, mucine. Cena tacaba ica ntendekelo, lelo cena cali i—icikalamba Iciputulwa icawamisha nganshi. Kabili ilyo naiminine no kulolesha pali cena, ine—ine nalitemenwe cilya, icintu cimo ico cimoneka kwati cena (cileimininako) nacikwata icintu cimo kuli cena.

32 Nalitemwa ifyakulenga, bwino nganshi. Nalicetekela Lesa aba mufyakulenga. Nalicetekela Lesa aba mu nyimbo. Nalicetekela Lesa aba mu fyacifyalilwa. Lesa aba ukuli konse. Kabili icintu icili conse ico capusana ku cantendekelo caba ukupondamikwa. Lesa aba mukushana; te musango wa kushana mucita kuno. Lelo ilyo abana baume na bana banakashi bakwa Lesa bali mu Mupashi wakwa Lesa, mwamona, kulya kushana. Lelo nga filya twacilalwishanya na fyo mpaka tukoloko mulucelo, kulya lubali mu lubansa, kulya kupondamika kwa cena.

33 Lelo, ici, kabili iciputulwa icawamisha ico Michelangelo’s akwete—apangile, cena—cena ca mulengele wene ukulipilapo icintu cimo ukucita cilya—cilya. Ena ali muntu umukalamba,



kabili aposelepo iciputulwa icikalamba ica bumi bwakwe, pantu ena ali ingi, imyaka ingi mukubasa. Ukusenda fye ilibwe kabili ilya—ilya marble, no kutwalilila ukulibasa. Kabili, mwamona, umuntu fye eka, kabasa umwine, nakwata mu mano yakwe ifyo aleesha ukucita. Ena, ena eo. Imwe kuti limbi mwaenda no kusosa kuli wene, “Ni cinshi ico ulebashila pali ilyo libwe?” Ku wa kunse, uyo ushishibe icili mumutima wakwe, cena cabuwelewele. Lelo ku muntu, kabasa umwine, ena—ena nakwata icimonwa mu mano yakwe, ico ena aleesha ukupanga, kabili ena aleesha ukupanga ifyo fili mu mano yakwe mu musango wa i—wa cimpashanya. Ulya e mulandu wine aleimbila cena ukufuma mu fimabwe.

<sup>34</sup> Kabili ici, ukucita, imwe mulingile ukutendeka bwino, pa ntendekelo, kabili mulingile ukukonka icipasho. Mwamona? Imwe tekuti musende akaputulwa akanono, ukutendekelapo, “Cisuma twala cilenga muli *uyu* musango; iyo, ndecetekela . . .” Iyo, ena alingile ukukwata icipasho filya fine. Kabili mu mano yakwe na kwata cilye cipasho. Kabili ena tekuti apusane na cilye cipasho. Nomba, pa kutila ici cicitwe, ena alilengele mu mano yakwe, pantu ifwe tatwakwata ifikope ifituntulu fyakwa Mose, lelo ena alikwete icikope icakwelenganya mu mano yakwe, ica filya fine ifyo Mose ali.

<sup>35</sup> Nomba, kabasa uwacine alaputwamo, ngo wa mushikakulo uwacine, atemwa kemba uli onse uwacine, uwa nyimbo, fyonse ifyo engaba. Fyonse ifituntulu filingile ukupitila mu kuputwa. Michelangelo’s alingile alikwete ukuputwa pa fyo Mose mu butuntulu alemoneka. Kabili acikeshe mu mano yakwe, ifyo Mose alingile ukuba. E ico abikile pali ici ciputulwa icikalamba ica marble, icaputulwa ku cipasho, no kucileta, no kuwaminisha, mpaka aishile isa ku cikope icintuntulu pafyo cena cali mu mano yakwe.

<sup>36</sup> Kabili lyena ilyo aishilekwata conse mukupwililika nganshi, icifutu conse ukufumyapo, ne cifulo conse ukukuswa, kabili amenso ukuba fye bwino, imishishi yonse, ne myefu, fyonse umusango fye fyali, ena aiminine patali nokulolekesha pali cena. Ine—ndetontokanya pa—pa ingi, imyaka ingi iyakosa ilyamulimo, kabili ifyo ena akwete ukwikatilila kuli cilya cine icimonwa inshita fye yonse, mu mano yakwe, pafyo ali nokucita. Kabili tontokanyeni fye, cilye cimonwa mu mano yakwe pa myaka ingi nganshi, ukulenga cena ukumoneka filya fine fye ku fyo cena cali! Aishilekwata icimonwa intanshi, kabili ifyo ena abombele kuli cilye cimonwa, ukuputulako no kupanga! Kabili ilyo aishile cileta ku cifulo uko ena acilengele ukuba icapwililika, mpaka cena mucine caishileba icapwililika; ena aliminine no kulolekesha pali cena ilyo apwishishe lulyo lucelo, ne nondo mukuboko kwakwe.

Kabili ena ali uwaputwamo nganshi ilyo alolekeshe pali cena, pantu icimonwa ca mu mano yakwe caliminine ku

ntanshi yakwe mu butuntulu. Ifyo ena amwene, kabili i... itontonkanyo lyakwe pafyo Mose ali, kulya lyali moneke ku ntanshi yakwe, ifyo ena akwete mu mutima wakwe yonse iyi myaka. No kucucutika, na ma ora ya bulanda nokukalipwa kwa mutima, nabakususha, ne fintu fyonse ifyashala, lelo nomba ena aikele fye filya fine ne cimonwa mpaka calipwishiwe.

<sup>37</sup> Kabili lyena ilyo cena capwile, ena aishileiminina akatalamukila kunuma ne nondo, atemwa inondo iyakwa kabasa, mukuboko kwakwe, kabili alolekeshe pali cilye cimpashanya. Kabili ukuputwa kwa cimonwa uko ena akwete, umusango wa kucicitilamo, kwali muputilemo nganshi mpaka ena...Ukuputwa kwali mwikete mpaka aishile fulunganishiwa, no kucitobaula pe kufi, kabili atile, "Landa!"

<sup>38</sup> Nomba paliba umulale pali cilye cimpashanya icikalamba, pe kufi, pe kufi lya ku kulyo. Pa mulu we kufi, nalimo ama inchi mutanda, paba incende (nalibika ukuboko kwandi palikwena) ukushika nga *filya*.

<sup>39</sup> Panuma ilyo aposele inshita yonse ilya, pa myaka ne myaka, ukupanga ici; elyo mukuba no—no kongolwa pakumona ukufikilishiwa pafyo amwene mu mutima wakwe kabili na mu cimonwa cakwe, no kukabila ukumona, cena calipwishiwe. Kabili ilyo capwishiwe, ali uwa putwamo nganshi pali cena mpaka atontonkenye Iciputulwa icawamisha cakwe umwine cilingile ukulanda kuli ena. Kabili ali cumine pa kulu, no kubilikisha, "Landa!" Kabili capangile umulale pali cena. Cabikile umulale pa cimpashanya.

<sup>40</sup> Kuli ine, umulale e walengele cena ukuba Iciputulwa icawamisha. Nomba, nalimo ku—ku mano ayo ayenga tontonkanya ukupusana, muletontonkanya cilya kuti cali conawile cena. Iyo, kuli ine, cena—cena calengele cena ukuba fintu cali. Cena—cena...Pantu panuma ya myaka iingi iyakubomba bwino no ku cucutika, no kuputwamo, kabili na fimbipo, iyakupanga cena, ukucucutika kwakwe takwashininkishiwe ukuba ukwafye. Kwali ukwa pwililika, ulya e mulandu wine abilikishe, "Landa!" Pantu, ena alimwene ku cinso cakwe ukutila ena (ali) ali uwalinga ukubomba, ukulenga ukufikilisha icimonwa icali mu mano yakwe. Kabili e ico kanshi, ukuba uwaputwamo, ali citile icintu cimo ukufuma ku kwelenganya, ukufuma ku caseka. Ena ali cumine, no kubilisha, "Landa!" Mwamona, ena nga tacitile filya nga alitontonkenye. Lelo ena tatontonkenye. Cali ukuputwa pakumona ico icali mu mano yakwe nacikala palya mu kupwililika ku cinso cakwe.

<sup>41</sup> Ukucucutika kwakwe, no kunakuka, ne nshita ikalamba ubushiku, no kutaluka ukufuma kwi sonde pa nshiku, kabili

nalimo ukulya umukate. Kabili—kabili ukukusa pali cena, no kwikala, kabili, “Iyo, ulya te musango cabelelemo. Nomba cilingile ukwisa kuli *ici*,” no kukusa cena. Lyena ilyo amwene cena, ukupwililika fye, lyena alimwene mu butuntulu. Icishili icituntulu ico icali mu mano yakwe caishileba icituntulu, caishileba mubutuntulu, e ico kanshi caishile isa muli wena. Kabili cali icituntulu nganshi icakutila alingile ukubilikisha, “Landa!”

<sup>42</sup> Kuli ine, cali icipasho. Cena cali—cali ukutasha ku mulimo wakwe, ica kutila umulimo wakwe umwine wali muputilemo, icakutila aishile fulunganishiwa umwine ukucuma cena no kusosa, “Landa!”

<sup>43</sup> Naliminine kulya no kulolekesha pa cimpashanya. Nalitontonkenye ama ora ayo umwaume abomfeshe, mu kupanga cilya. Bena bali sosele ubwingi bwa myaka cena cali. Lelo cena—cali cipasho kuli wena, pantu cali umusangulo ku wakwe—ku cakulenga cakwe icikalamba, ku mulimo wakwe ukalamba pafyo alecita. Kabili ilyo ena mukulekelesha ali uwalinga ukubomba cena, cali icikalamba nganshi.

<sup>44</sup> Nomba lekeni tupilibule ibula, ilya kwa Michelangelo, no kwisala ibuku.

Kabili lekeni twisule Ibuku limbi no kubelenga ifya kwa Kabasa umukalamba, Impalume. Uyo, ilyo takulaba icalo, kabili ilyo imifula tailatantikwa, Ena alikwete mu mano Yakwe ifyo alefwaya, kabili Ena alefwaya ukulenga umuntu mu cipasho Cakwe Umwine. Ena alefwaya ukupanga icintu cimo mu—mu butuntulu kuli ico icali icimonwa kuli Ena, ico icali mu matontonkanyo Yakwe.

<sup>45</sup> Nomba, kuli Michelangelo, cilya cali imibele ye tontonkanyo yakwe.

Kabili Lesa alefwaya ukulenga umuntu mu cipasho Cakwe, Kabasa umukalamba, kabili Ena aile mukubomba pali wene. Kabili ifwe tulemona ilyo Ena aletele ukufuma ku fyakubomfya. Icintu ca kubalilapo nalimo cali isabi, kabili ilyo ifyuni, kabili—kabili lyena ifintu ifikulika pe sonde, kabili—kabili ifingi ifintu ifyo Ena aletele. Lelo, mukulekelesha, ilyo Ena aputile, pa kuba Kalenga, Ena alikwete. . . Ena tali ngo muntu, nomba, kabasa uyo ulingile ukusenda icintu cimo ico cilengelwe, kukubasa icimpashanya. Ena ali ni Kabasa uwa fintu fya Muyayaya. Ena ali ni Kabasa uyo wingalenga no kuleta mukumonekela cilya e co Ena akwete mu mano Yakwe ukucita. Atemwa, nga nifyo, Ena kuti alenga ifyakubomfya ifyo imibele Yakwe yalekabila.

<sup>46</sup> Kabili ilyo Ena atendeke ukubomba pa fintu ifikulika, kwati ni pa i—i—inama ishinono pe sonde. Kabili ilyo Ena atendeke ukuleta shena ukufuma muli cilya mu cintu cimbi, ica sansama. Elyo mukulekelesha Ena aletelemo inama

ishikalamba, ishapala nge nkalamo, imbwili, bere. Elyo Ena aletelemo u—u—ubumi ubwa nalimo ubwa—ubwaba kolwe na ba kolwe bakalamba, kabili na fimbipo. Nomba, te kwalulwa, nge fyo tutontonkanya ukutila umo afumine kuli a e- . . . kulya kwali kulengwa kwa pwililika; Lesa ukubomba mu cipasho.

<sup>47</sup> Lelo mukulekelesha kwalishile pe sonde, ukupwililika, kabili ulya ali umuntu. Kabili lyena Ena kuti amona muli ulya muntu, ukutila cena camoneke nga Wene. E ico nomba ilyo Ena alolekeshe pali wene, ena ali icipasho ca fyo Kalenga wakwe ali. Lesa nomba ali uwalinga ukufikilisha icintu ico ena alefwaya, umuntu mu cipasho Cakwe umwine.

<sup>48</sup> Kabili lyena kuti nasosa, kuli ci, ukutila, ilyo Ena alengele uyu muntu, kwaliko icintu cimo palwa wene nomba ico cishamoneke fye bwino, pantu ukutila ena—ena ali eka. Kabili ulya e musango Lesa alimo, Umwine eka; Ena ali uwa Muyayaya. Kabili umuntu nomba, mu cipasho cakwa Lesa, na cimbi amoneke pe sonde umwine eka. E ico Ena alingile alilepwile panono ku lubali lwakwe ulwa ku kuso, kabili ukulile kulya Ena abulile iciputulwa icaputwilweko kuli cena no kumupangilako uwa ku mwafwa, umukashi, lyena ena tali palwakwe umwine. Ena ali—ena ali, ena alikwete umuntu umo pamo na wene. Kabili ulya wali umulimo Wakwe ukalamba.

<sup>49</sup> Kabili, Ena, nga kabasa uuli onse umukalamba uyo wingasenda icakwe—icakwe—icakwe Iciputulwa icawamisha . . .

Nomba, intanshi, Ena alikwete Iciputulwa icawamisha icakwe Umwine. Lelo nomba Ena ali mwene ukutila Iciputulwa icawamisha cali ceka, nge fyo Ena ali, e ico Ena apatwile iciputulwa icawamisha pa kucuma mu mbali no kufumyamo uwa kumwafwa.

<sup>50</sup> Kabili nomba, ukulenga babili ukuba umo, Ena alibabikile, kwati ni kabasa uli onse umukalamba, mu cifulo icali—icali icaemba.

Ka—kabasa teti apange Iciputulwa icawamisha icikalamba, kabili elyo ukucisenda nokucibika mulukungu ku cifulo cimo, atemwa ukucifisa kunuma ya fikulwa. Nge fyo Shikulwifwe atwebele, “Umuntu taasha inyali no kuibika mwifungu.” Ilyo twaba ifiputulwa ifyawamisha ifyakwa Lesa, ifwe tatufiswa mulukungu ku cifulo cimo. Ifwe—ifwe tulingile ukupela Ulubuuto.

<sup>51</sup> E ico tulemona ukutila—ukutila Ena, panuma Ena apangile ici iciputulwa icawamisha, Ena acibikile pano pe sonde, no kubika cena mu ncende iyawamisha nganshi iyaliko, mwi bala Iya Edeni. Ena abikile Iciputulwa icawamisha Cakwe, babili ukuba umo, mwi bala Iya Edeni. Ifyo cena cilingile cali musekeshe Wene, icakutila Alimwene ici iciputulwa

icawamisha cali fye bwino. Ena, panuma ya cilya, tulesanga ukutila Ena alitushishe; Ena alisekeshiwe nganshi no mulimo Wakwe.

<sup>52</sup> Nomba ibukisheni cilya, itontonkanyo lyandi, iciputulwa icawamisha caba ukuma uko kwaonawile iciputulwa icawamisha icakwa Mose ica Washila Angelos mu cimpashanya.

Kabili kwali ukuma uko kwalepwile ulubali lwa ciputulwa icawamisha Cakwe, cilya caletele nabwinga. Kabili nomba tulemona bena ngo lupwa ulwa cipasho capwililika mwi bala lya Edeni. Ifyo cena cali icaemba! Kabili cena cali musekesha nganshi Wene, mpaka Ena—Ena akwete ukutusha lilya. Atile, “Ine, Nalatusha.”

<sup>53</sup> Lelo ilyo Ena aletusha nokusubila kuciputulwa Cakwe icapwililika, umulwani Wakwe alishilemo no kusanga ici iciputulwa icawamisha icikalamba. Kabili ena, ku bucenjeshi, ena—ena ayamfwile mwisamba lye—lye linga lye bala, kabili elyo ena—ena aonawile ici iciputulwa icawamisha icaemba. Ena—ena aliconawile cena, icakutila cena—cena caliwire.

<sup>54</sup> Nomba ndeesha ukulolekesha ilye nkoloko. Kabili nacipusha Mike, umwipwa wandi, ukulisha ilye nyenjele mu ma miniti yatutu, lelo ine. . . Ena tacitile, kabili ni ncila kale ama miniti amakumi yatatu. Lelo, cena cili, ifwe tuletwalilila panono fye. Mwamona? Nomba, nshilefwaya uku—ukutoba aya mafunde. Ine—nalipanga aya mafunde, mwamona, kabili ine—ine. . . kabili pano kuli ukutoba ifunde lyobe we mwine.

<sup>55</sup> Nomba moneni, lyena, ici iciputulwa icawamisha. Ilyo Satana aishileikata cena, kabepa, apulile mu fibumba, kabili—kabili ena ali onawile ici iciputulwa icawamisha. Pantu umusango uo ena acicitilemo, cinshi. . . Musango nshi ena acicitilemo? Nalaya sana mu fingi ifya cena. Ifyo ena acitile cena, cali. . . Ici iciputulwa icawamisha cali ne linga lya Cebo, Icebo cakwa Lesa. Kabili Iciputulwa icawamisha, icine, icalupwa, cali cingililwe kuli ici Cebo. Lelo iciputulwa ica mokaulwa, ico ica mokwelwe ukufuma ku cantendekelo, caile ukucila cilye cibumba, cilepela Satana ishuko ilyakonaula cena. Kabili nomba nge fyo imwe mwaishiba ifyo nacetekela pali filya fintu, e ico nshalande cilya. Lelo Iciputulwa icawamisha cali tobawilwe.

<sup>56</sup> Lelo, Kabasa umukalamba, ilyo Ena amwene ukuwa ukwa lupwa Lwakwe, iciputulwa icawamisha, Ena talefwaya fye ukucisha nacikala palya, ubukupeme, no konaika. Ena aile mukubomba, lilya line, ukukula cena nakabili. Ena talefwaya cena cingonaika, ukwikala palya nga filya yonse nshita. Pantu, Ena ni Lesa, kabili Ena takacimfiwe. E ico, Ena aile mukubomba lilya line no kutendeka ukukula, nakabili, mu cipasho Cakwe Umwine, umuntu.

<sup>57</sup> Nomba, tulesanga ukutila isonde lye lyeshi lyalishile no konaula icintu conse, pantu ifipangano ifyo fyapangilwe, fyapangile ukwabula ifunde, “Nga muli nokucita *ici*, atemwa nga muli no kucita *cilya*.” Lesa, Kabasa umukalamba, amwene ukutila umuntu tekuti—tekuti asunge icipangano. Ena tekuti acicite fye. Takwaba fye nshila nakalya.

Mukulanshanya inshita inono iyafumako nacilalanda ku muntu mu cipinda, uyo uuli muno nomba. Atile, “Lelo, Munyina Branham, nalikwata ifintu ifingi nganshi ifyo ine—ine naishiba ifyo fyaba ifilubo,” kabili u—umunono umwanakashi wa bulesa.

<sup>58</sup> Nacisosa, “Lelo—lelo, lolekesha, nkashi, iwe wilailolekesha we mwine. Cena caba fye ifyo kukabila kobe kuli kabili nefyo leesha ukucita. Kabili nga iwe mucine walitemwa Shikulu, iwe ulesha ukubombela Wene no mutima obe onse, kabili elyo filubo fyobe fyonse filafiswa mu Mulopa wa kwa Shikulu Yesu.” Mwamona? Mwamona, Ena alipangile nshila.

<sup>59</sup> E ico Ena atendeke nomba, ukusenda umuntu ukufuma ku fipangano Fyakwe, ifya—ifya kusosa ukutila, “Nga kuti wacita, ndi no kucita.” Kabili ena atendeke no muntu uwaleitwa Abraham, kabili apele kuli Abraham icipangano, ica bulefunde. Inshita yonse Ena engatendeka iciputulwa icawamisha, Satana kuti acisenda cena, pantu Icebo...Lelo ilyo Ena atendeke na Abraham, Atile, “Ni ncicita kale. Nomba ici tacikwete ifunde, tacili ifyo...ico—ico, ‘Nga uli no kucita, Ndi no kucita,’ lelo Ine ni ncicita kale.” Nomba Ena, ka—Kabasa, ali uwaposako amano ukukwata ici cipasho capwililika.

<sup>60</sup> Kanshi, ukufuma kuli Abranham, kwaishile ifikolwe. Kabili ifikolwe mucine...Nomba ni cinshi Lesa alecita? Ena alekula cipya cipya ici cipasho capwililika ico cawile. E ico, mu fikolwe, uwantanshi tulesanga ali ni Abraham.

<sup>61</sup> Nomba moneni, iciputulwa icawamisha icili conse cilabikwa pa mufula, kabasa. Icimpashanya cakwa Mose cakwa Angelo caba pali fitatu atemwa iciputulwa ca marble ca fifutu fine. Cena calikwata umufula. E ico, Lesa, mukuteyanya ici cipasho capwililika, Ena abikile cena pa mufula wa fikolwe. Kabili umufula wa cikolwe, intanshi, ali ni Abranham, elyo Isaki, elyo Yakobo, elyo Yosefe, ififutu fine.

<sup>62</sup> Kabili, nomba, Abranham ali umufula wa citetekelo. Leken i tusose cena calikwete imifula ine. Umufula wa citetekelo wali ni Abranham. Umufula wa kutemwa wali ni Isaki. Umufula wa nkumbu wali ni Yakobo, inkumbu shakwa Lesa kuli Yakobo; uuli onse alishiba cilya. Lelo muli Yosefe mwali ukupwililika, kulya eko Ena engabika icimpashanya; tacali pa mufula wa ntanshi, umufula wa cibili, umufula wacitatu, lelo pa mufula wa cine.

<sup>63</sup> Abraham alangishe Kristu, mucine; eflyo na Isaki acitile, mukutemwa. Abraham acitile, mucitetekelo; Isaki alicitile, mukutemwa; Yakobo alicitile, ku nkumbu Shakwe. Pantu, *Yakobo* cipilibula “ubepa,” kabili filya eflyo ena ali, lelo inkumbu shakwa Lesa shali pamo nankwe. Lelo ilyo caisa kuli Yosefe, takuli nangu cimo ukususha wene, akakukwebula fye kamo akanono, pantu umufula nao ulingile ukuba Iciputulwa icawamisha. Ilyo ena aebele ba wishi, kasesema, “Soseni kuli Farao ukutila abantu benu baba—baba bakacema bango’mbe kabili te bakacema, pantu kacema abe ca muselu ku bena Egypti.”

<sup>64</sup> Lelo ilyo kasesema wakale aile kuli Farao atile, “Ababomfi benu ni bakacema wa ngo’mbe.” E ico calikwebulwile cena, mwamona, ulya e mulandu wine cena cicili cilepanga cena Iciputulwa icawamisha .

<sup>65</sup> Nomba imifula ilatantikwa, ukupitila mu citetekelo, ukutemwa, inkumbu, kabili ku kupwililika, ukupitila mu fikolwe.

<sup>66</sup> Nomba umulimo wa mubili uyo waishile kuli ci iciputulwa icawamisha icikalamba cali ni bakasesema, ico cali Cebo. Ndesubila imwe kuti mwabelenga cena. Mwamona? Bakasesema; te mafunde! Bakasesema, pantu bakasesema bali Icebo cashininkishiwa ico cipanga umubili; te fikolwe. Bakasesema, bena bali Cebo.

<sup>67</sup> Mukulekelesha, nge fyo Ena atendeke kunuma kulya mu nshiku shakwa Mose no kwisa kulya kuli bakasesema, kuli cila umo. Kabili, mukulekelesha, mukukula umubili, ukulaisa ukupalama inshita fye yonse. Kabili umukalamba nganshi pali bonse bena ali ni Yohane. Baibele eflyo isosa. Yesu asosele cena. “Takwali umuntu, uyo wafyelwe ku mwanakashi, umukalamba nge fyo Yohane Kabatisha ali,” pantu ena ewali no kwishibisha Icebo.

<sup>68</sup> Kabili elyo kwaishile, mukulekelesha, Umutwe ukalamba, Umutwe onse uwa cena. Umubili uwa shala walandile fye palwa Cena. Umufula walitantikwe ku fikolwe; lelo umubili walikulilwe ne Cebo, ico cali bakasesema; kabili pano paishile Umutwe uwa cena conse, Yesu aishilemonekela. Kulya, ilyo ici ciputulwa ca Mutwe cabikilwe pali bwena, tulesanga muli Wene imilimo yonse iya kuboko kwa kwa Lesa. Kabili tulesanga muli Wene ukumoneka ukwapwililika ukwa Cebo, pantu Ena ali Cebo, umwisulo wa Cebo. Nomba, nakabili, Lesa nakwata Iciputulwa icawamisha nakabili.

Nge fyo Esaya asosele, “Moneni Umubomfi Wandi, Iciputulwa cawamisha Candi, ico nalangisha ukupita mu nshita shonse ica uyu Umo wa pwililika uwaleisa. Kabili pano Ena naiminina kuntanshi fye Yandi, uwapwililika!” Ulya, mucimpashanya Cakwe Umwine, ukulangisha Lesa! Pantu Atile, muli Yohane Washila 14, “Ilyo mwamona Ine, mulemona Tata.”

<sup>69</sup> Kabili, elyo, “Mukutendeka mwali Cebo, kabili ne Cebo cali pamo na Lesa,” kabili Cebo caliputwilweko no kulangisha ifyo Icebo cali pa kutendeka. Wene, Icebo, alangishe mu Ciputulwa icawamisha mu cata Cakwe Umwine, Lesa ukubwelela nakabili mucata Cakwe Umwine, umusango wa Cebo ukulangishiwa mu cipasho ca muntu, Iciputulwa icawamisha.

<sup>70</sup> Bakasesema bonse balikwete ifilubo; balya bonse bali iciputulwa. Lelo pano, pa kulekekesha, kwaishile ukupitila muli cilya, mukulekelesha kwaishile Iciputulwa icawamisha, Ulya uwapwililika, tamwali icilubo muli Wene nakalya, uwapwililika nganshi ukulangisha ukwa Kakula Umwine, icipasho Cakwe Umwine camonekele mu mulimo Wakwe. “Lesa na Kristu bali Umo,” icakutula mpaka Ena abikile Umupashi Wakwe Umwine muli Wene, kabili lyena nangula icimpashanya kabili na Kakula baishileba Umo. Lesa no mulimo Wakwe uwa kubasa, Ciputulwa Cakwe icawamisha! Uko Mose—Mose ali, uo mulimo wakwa Saint Angelo, ali i...atemwa Michelangelo, ntile; ali u—umulimo wa kubasa uyo wali uwafwa, pantu calipangilwe ukufuma mwilibwe. Lelo pano, Kakula Uwaishibisha, ilyo Ena akwete umulimo wa kuboko Kwakwe ukupwililika, Ena aishileingila muli Wene.

<sup>71</sup> Uwapwililika nganshi Kalubula uwa muntu, uwapwililika nganshi, uwa bulesa nganshi; nomba, tamwali ukuemba nangu kumo uko twingakabila muli Wene. Ilyo uyu uwafyelwe muli nacisungu Umwana wakwa Lesa uwa mweo aishileba uwapwililika nganshi, nokupetama, kabili mucipasho cakwa Lesa, mpaka Shikulu mukalamba Uyo uwaletete Umweo Wakwe ukupitila muli bakasesema...Kabili Ena ali ukufikilisha kwa ba kasesema bonse. Ena ali uwapwililika nganshi, mpaka, Lesa pa kumona ici, Ena ali mupumine Wene kabili ali bilikishe, “Landa!” Nge fyo Michelangelo acitile. “Landa!”

Mwatila, “Bushe cilya eflyo cili?”

<sup>72</sup> Marko Washila 9:7, tulesanga, pa Lupili lwa Sansama, ilyo kulya kwaiminine Mose, amafunde, kulya kwaiminine Eliya, bakasesema. Ukuya fye kunuma ukufuma ku fikolwe, ba shibo, ifunde, bakasesema, kabili bonse muli bena ukwiminina kulya. Tuleumfwa Ishiwi ukwika ukufuma mwi kumbi, kabili lyatile, “Uyu Mwana Wandu uwatemwikwa; mumfweni Wene!” Kabili nga baleesha ukumfwa, Ena alingile ukulanda. Cena cali fye inshiku ishinono ilyo Ena talapumwa. “Uyu Mwana Wandu, Uo mbekelwa ukwikalamo. Nimupanga Wene. Nali imyaka amakana yane ukumuleta Wene kuli ci. Kabili nomba, Ena ali uwapwililika nganshi, Ningile ukupuma Wene pakutula Ena kuti alanda. Mumfweni Wene! Ena e Ulya uwapwililika. Ena, Ena e Ciputulwa icawamisha.”



<sup>73</sup> Ibukisheni, Ena alilangishiwe inshita yonse, kunuma ukupita mu Cipingo ca Kale.

Tulesanga Wene ukuba Icilibwe mu matololo, ico cauminwe, Icilibwe mu matololo. “Nine cilye Cilibwe ico cali mu matololo.” Lelo lilya lyali libwe ilyo lishilaisa kukupwililika kwaliko nomba. Lelo mu musango wakupashanya Cena cakonkele ulukuta, ukufumya kuli Cena cilya ico Ena engafumya, ukupela Umweo kuli abo Ena e Ngapelako Umweo. Lelo Ena ali cilye Cilibwe mu matololo. Ena tali talalengwa umuntu lilya. Ena ali fye mucipasho.

<sup>74</sup> Mose ali mwene Wene ukwiminina pali ici Cilibwe. Alimwene Wene ukupita, kabili atile, “Cena ni numa ya muntu.” Mulemona, Kabasa alepela kuli Mose, ico cali icapala iciputulwa icawamisha icakwa Kristu, ifyo Iciputulwa icawamisha icikalamba cikamoneka ilyo Cena calengelwe ukupwililika. Ena apitile Iyakwe...Ena abikilemo, atemwa—atemwa alangishe kuli Mose icimonwa icafyo Iciputulwa icawamisha cali no kumoneka. Cali inuma ya muntu, ilyo Cena capitile mu matololo.

<sup>75</sup> Ibukisheni, Angelo kuti abilikisha fye nokuma icipanshanya, no kusosa, “Landa!”

Lelo ifyo kwali ukupusana kuli Lesa, Kabasa mukalamba. Ilyo Ena alengele umuntu mucipasho Cakwe Umwine, icapwililika nganshi icakutula Cena calangishe Wene, Lesa alandile ukupitila mu cipasho ca muntu, ukulangisha ifyo Ena akacita. Ena alandile ukupitila muli basesema ilyo bali mucipasho cabo icishapwililika, ilyo Ena aleleta cena ku Mutwe. Lelo ilyo Ena aishile mu Mutwe, Ena ali onse icipasho cakwa Lesa; Ena aleilangisha Umwine. Kanshi, apuminwe pa mulandu wesu, nomba Ena e Iciputulwa icawamisha kuli ifwe, Icabupe cakwa Lesa, Yesu Kristu, Umweo wa Muyayaya. Ndesubila ifwe tatwakalabeko cilya.

<sup>76</sup> Ilyo tulemona inshiku shilefita, ilyo tulemona ifinshingwa filewa! Ilyo, ndelandila kabela, “Kwena kupita ukwa kasuba ukunono na kumbi. Ino nko yaya.” Bushe mwalishiba. . .

Mailo, July ubwalenga cine. Thomas Jefferson alilembele ukubilisha ukwa buntungwa, ena na kabungwe kambi ako akali pamo nankwe, kabili Inyenjele ya Buntungwa yaishilelila, kabili ifwe twaishile pelwa ubuntungwa, nge nko. Ukulingana ne lyashi lya kale, takwatalile akubako ukuiteka pa nshita ili yonse pa myaka kunuma ukucila imyanda ibili. Kabili cilya cali 1776, July ubwalenga cine. Kabili ifwe tushele fye ne myaka ikumi limo na cimo. Bushe ili no kucicita yena? Iyo, tekuti, mwamona. Imyaka ikumi limo na cimo. Kabili, nga yena ili no kucita, cili no konaula ilyashi lyonse ilya kale.

<sup>77</sup> Kabili tulemona imibele ya nshita. Ifwe tulemona imibele ya bantu. Ifwe tulemona imibele ya ma politiki. Ifwe tulemona

imibele ya calo. Cena tekuti ciminine. Cena cilingile ukwibila, nga Titanic. Cena cilingile ukuya panshi, pantu icabo cilepela icipinda. Inko imo ilepela icipinda kuibiye, ilyo cilewa. Kabili buno bufumu bulingile ukuwa, kabili no bufumu ubuli bonse ubwashala, ukupela incende kuli bulyo Bufumu ubuleisa, ubo bushingawa. “Pantu tulepokelela Ubufumu ubo ubushingatenshiwa,” ukupitila muli ici icipasho icakwa Lesa icapwililika, Iciputulwa ca wamisha.

<sup>78</sup> Lesa, ilyo ena alolekeshe pali Wene, Ena ali uwaputwamo nganshi! Ena ali ifyo... ukumona Wene umusango Ena amoneke, no kumona i-i mimonekele ya Wene, Ena ali uwaputwamo nganshi icakutla cena kuti caba Iciputulwa icawamisha icapwililika icakwa Kalubula, Yesu Kalubula. E ico, Lesa, pa kutila enga pumwa, Umwine; pantu, ukulipila ukukandwa Kwakwe umwine, Lesa na Kristu baishileba Umo, e ico Lesa kuti aumwa mu Cipasho, Ena kuti aumfwa umwenso. Kabili ulya e mulandu wine Esaya asosele, “Twa mulingile wene uwapumwa kabili uwacushiwa kuli Lesa. Nomba Ena alashilwe pa fya bupulumushi fyesu, Ena afwantilwe pa ma mpulu yesu; akalimunwa ka mutende wesu kali pali Wene. Kabili ku filaso Fyakwe twaliposhiwe.”

<sup>79</sup> Icimpanyanya icapwililika, Lesa Umuntu! Lesa, muli *en morphe*, alipilibwike ukufuma ku Cakupapusha ku cimonwa, kabili icimonwa calangishiwe mu Cipasho. Kabili Icipasho calipuminwe pakutla Icupapusha cinga sonda ifyo imfwa yaba, Iciputulwa icawamisha icapwililika icakwa Lesa.

Ena te kuti acicite cena muli Mose. Ena tekuti acite cena muli bakasesema; Esaya, uyo waputwilwe na baso mpaka aputwilwe mutupimfya. Ena tekuti acicite muli bakasesema abo abapollelwe amabwe. Ena tekuti acicite, pantu Ena tekuti omfwe cena; kwali fye iciputulwa ca Wene.

Lelo muli ici Ciputulwa icawamisha icapwililika, Ena ali umwisulo wa Bulesa mu mubili. Ena tekuti alangishe fye Mose; Ena kuti alangisha Ubuntu Bwakwe bonse muli uyu Muntu, no kusondele mfwa umutundu onse. Iciputulwa ca wamisha icapwililika icakwa Lesa! Lesa, uwaputwamo nganshi pa kumona cena, Aishileba, Kalubula wa nshita shonse; ukulandilako abo abali kunuma, abo abaliko kale, na nomba.

<sup>80</sup> Amabulayo yonse yali kwanishiwe muli Wene. Ena ali Ukupwililika kwa kupwililika. Ifipasho fyonse fyalifikilishiwe muli Wene; Kalubula wesu uwa Lupwa, muli Ruti na Boashi; kapela wesu wa Mafunde, ukufuma pa Lupili lwa Sinai; Kasesema wesu; ukufuma mu matololo, ilyo Ena aleisa ukufuma palupili, ilyo Ena aleisa ukufuma mu matololo; ilyo Ena aleisa ukufuma mu Muyayaya no kuba umuntu, Icipasho capwililika!

<sup>81</sup> Lesa, ukupita mu nshita, ukulaputulako, ku fikolwe, no kupanga umufula Wakwe, nokubaleta pa mulu ukufuma ku

fintu fyapusana pusana ifyo Ena engabikapo uyu mufula. Pali ici Ena atendeke ukukula Icebo Cakwe, bakasesema. Kabili elyo, mukulekelesha, kwaishile kuli Bakasesema uwapwililika, Umufula uwapwililika, icimonwa icapwililika ico Lesa akwete.

<sup>82</sup> Kabili nomba, pakutila ici cingalanda, Ena e Cebo. Kabili pa Cebo ukulanda, Ena alingile ukwisa mu Cipasho. Kabili elyo ku Cipasho ukulanda, cilingile ukumwa. Ena aleisa mu Cipasho, kabili lyena pa kutila engalanda, Kalubula wapwililika.

<sup>83</sup> Fyonse ifipasho fya mu Cipingo ca Kale fyakumanishiwe muli Wene. Nge fyo nasosele ubushiku bumbi, Yehoba wa mu Cipingo ca Kale ni Yesu wa mu Cipy. Ee.

<sup>84</sup> Kwati mwebengi imwe, abaume, abanakashi, iciimo candi; ifwe twalekwata, mu calo monse, abengi ama Chinese abawamya ifyakufwala. Ilyo ama Chinese batendeke intanshi ukwisamo, bena baishile ukufuma ku Lulamba lwa ku Masamba, ukwenda ukulola ku kabanga, ukwisa ukufuma ku calo caku Kabanga, ukwenda ulu lubali. Kabili nge fyo bacitile, bena bali abantu abo abashaishibe ululimi lwesu ne misango yesu, lelo bali abantu abaishiba ukuwasha. Kabili bena tekuti balembe itiketi pakutila imwe mwingasenda ifyakufwala fyenu ifyalinga.

Lelo, umwina China, ena asendele umwine umwina wa makadi ayanono apabula nangu cimo pali yena nakalya. E ico ilyo mwaishile ukupoke fyakufwala fyenu, ena kuti abula iyi kadi nokuilepula umusango umo; no kumupela iciputulwa cimo, kabili ena asungile iciputulwa cimbi. Kabili, nomba, cena cabako bwino panono ukucila ico twakwata nomba, pantu ilyo mwabwelelamo kukupoka filye fyali fyenu mwebene, filye fiputulwa fibili filingile ukulingana. Imwe tekuti mupashanye cena nga mwali no kucite co. Takuli inshila yakucicitilamo cena. Imwe kuti mwapanga inkalata na shimbi, lelo imwe tekuti mupashanye kulyo kulepula. Yena ilingile yalingana filya fine ne ciputulwa cimbi. E ico kanshi, ifya kufwala fyenu ifya fiko ifyo mwaletelemo, imwe kuti mwafilubula fyena kuli ili tiketi, pantu yalilingene ne tiketi ilyo lyaletelwe.

<sup>85</sup> Kabili ilyo Lesa, kuli basesema, kabili mu malango, atwebawile ku lubembu; kabili amalango tayakwata inkumbu, ya mweba fye imwe ukutila muli ba babembu. Lelo ilyo Yesu aishile moneka, Ena ali ukufikilisha, Ena ali u—ukufikilisha ukwa fintu fyonse Lesa alaile. Ena ali ukupwililika, icipasho icalemoneka ica bulayo. E ico kanshi, yonse amabulayo aya mu Cipingo ca Kale yakumanishiwe muli Yesu Kristu. Yena tekuti yakumanishiwe muli Mose, yena tekuti yakumanishiwe muli bakasesema abashala, lelo yena yakumanishiwe mu Cipunulwa icawamisha. Cena calingene fyonse filya Cena casosele Cena cikesaba.

E fyo no Lukuta lulingile ukulingana ne fintu fyonse Lesa alaile. Cilingile ukuba iciputulwa ico caumwa ukufuma kuli Cena. E ico nge cantendekelero caba Cebo, e fyo na balekonka abo abafumishiwa ukufuma kuli Cena bakaba Cebo, ukulingana no lubali lwa Cena.

<sup>86</sup> E ico kanshi, umwina China, imwe kuti mwapoka... Kwisa, amalango yalemwebaula imwe no kusosa ukutula imwe mwali aba fiko, kabili imwe mwali aba mulandu, kabili iimwe kuti mwabikwa mu cifungo. Lelo ilyo Ena aishile, Ena ali iciputulwa Icalingana ica cena, ico cinga mufumya; no kumubwekesha, ku—kwitiketi ilituntulu, ukulubulwa uko Lesa alaile kunuma mwi bala lya Edeni. “Ubufyashi Bobe bukalasa umutwe wa cisoka. Lelo, katende Kakwe, kakalasa—kakalasa umutwe wa ciko.”

<sup>87</sup> Nomba tulesanga ici Ciputulwa cawamisha icapwililika ico Lesa apwishishe. Nomba, tulemona ukutula Ena ali fyonse filya cena calaile ukuba. Ena aba amabulayo yonse, ama busesemo yonse, ifintu fyonse ifyo Lesa alailepo. “Ubufyashi Bobe bukalasa umutwe wa cisoka.” Nomba, ena tekuti alase cena na malango, Ena tekuti alase cena na bakasesema, lelo Ena acicitile cena ilyo Bufyashi bwa mwanakashi bwaishileba iciputulwa Icaumwisa, Kristu. Ena ali Ilibwe ilyo Daniele amwene ilya putulwa ukufuma ku lupili. Ena ali ni Umo uwingoma. Ena ali ni Umo uwingalasa, ukulasa umutwe wa nsoka.

<sup>88</sup> Ubumi bwakwe bwalingene, filya fine, ubumi bwakwa Mose. Ubumi bwakwe bwalingene na Dabidi. Lekeneni tumone nga e fyo bwali, nga Ena e ciputulwa Icaumwisa.

<sup>89</sup> Moneni Dabidi, imfumu iyakanwa, pa bantu bakwe umwine. Ena ali... Ubushiku bumo ilyo ena ali... Umwana wakwe wine alimine muli bucisanguka ukususha ena, kabili ena aliipatulula no kupatulula ifita fyakwa Israele. Kabili ena ali, Dabidi, alitamfishiwe, atemwa ukutamfiwa na bantu bakwe bene, ukufuma pa cipuna cakwe ica bufumu.

Kabili mubulendo bwakwe, kwaliko umuntu uwa mupatile, kabili ena aleenda kulya lubali, ukufwishila amate pali Dabidi. Ulya kalinda afumishe ulupanga lwakwe, atile, “Naleka umutwe wa ilye mbwa ukuba pali ena, ukufwishila pa mfumu yandi?”

Dabidi atile, “Mulekeni abe. Lesa na mweba ukucicita.”

<sup>90</sup> Bushe ta tulemona? “Umuntu wa bulanda, uwaisulamo ifya bucushi. Ena aiminina nge Mpaanga, ku ntanshi yaba leibeya, ukuba tondolo.” Bena... Ena asosele cilya. Nalimo Dabidi taishibe ifyo alesosa.

Lelo nalimo isano, imyaka imyanda panuma, atemwa ukucilapo panono, Umwana wa kwa Dabidi alepita muli ilye

misebo, kabili Ena bali mufwishile amate. Lelo moneni ico cacitike ilyo, Dabidi, ukufuma kuyakwe—ukufuma ku yakwe... ilyo ena aishileba imbutushi; kabili ukufuma mukulebela kwakwe, ilyo ena—ilyo aishilebwela, ulyo mwaume aishile lomba umutende no luse. Nangula ni balya aba mupumine Wene baka mumona Wene ubushiku bumo ilyo Ena akabwela.

<sup>91</sup> Kabili tulesanga ukutila lyena, muli Yosefe, ukutila Yosefe ali umulumendo uwafyalwa uwaibela, icakulekelesha, iciputulwa icapa mulu ica mufula, apo iciputulwa icawamisha cali no kukulilwapo. Caishile isa ukufuma ku citetekelo, kabili ku citemwiko, kabili ku nkumbu, caishileisa kukupwililika. Kabili eflyo cena cacitile, ukufuma ku nkasa ukwa kutendeka, caishile mukupwililika muli Kristu. Moneni ifyo kutila Ena amonekele muli Yosefe, icapa mulu ica mufula, uwapwililika nganshii pali bena bonse.

<sup>92</sup> Tulesanga ukutila Yosefe alifyelwe kulupwa lwakwe. Kabili ena ali uwa kumwanakashi uwa mwifunde, mucine, uyo wali umukashi wakwa Yakobo. Kabili moneni, na cimbi, ukutila ilyo afyelwe, ba wishi bali mutemenwe; kabili ba munyina bali mupatile, ukwabula umulandu. Mulandu nshi ba mupatile wene? Pantu ena ali Cebo.

Mulemona umufula wine? Mulemona ifyo mutwe wa mufula waishile? Nomba, lolekesheni ku Mutwe wa mubili, ukwisa. Nomba moneni Umutwe wakwa Nabwinga ukwisa. Ena ali Cebo.

Kabili bena bali mupatile wene pantu ali ni kamona. Ena alimwene kalibela ifintu, no kubeba. Fyena fyalicitike. Te mulandu inshita ifyo yalepele, cena calicitike ifyo fine. Kabili pa kuba uwa bumupashi, ena alitamfishiwe ukufuma kuli ba munyina. Bena balingile ukumutemwa. Lelo bena bali mupatile wene, pantu ena ali ni kasesema kabili ena ali uwa bumupashi. Kabili bena bali mupatile wene.

<sup>93</sup> Moneni, ena ashitishiwe mu pepi fye na ma sifele amakumi yatatu; aposelwe mucilindi, kabili ukumoneka ngo wafwa, lelo alifumishiwe ukufuma mucilindi. Kabili muli iyi nshita ya bwesho, mu cifungo; kasumika kabili na—na kafumbika, ifwe twalishiba ukutila kasumika alipusushiwe kabili kafumbika alilubile. Kabili mu nga'nda ya cifungo yakwa Kristu, pa lupanda, umo alipusushiwe kabili umubiye alilubile; abapupu babili, incitatubi shibili.

<sup>94</sup> Kabili tulemona ena alifumishiwe ku cifungo cakwe, ku kwa kulyo ukwa kwa Farao; icakutila takwali umuntu uwingalanda kuli Farao, kano fye ukupitila muli Yosefe. Kabili ilyo Yosefe ashile cilye cipuna cakwa Farao, kabili intandala yalilile mu Egypti monse, ukubilisha kwali citilwe no kusosa, “Fukameni ikufi, umuntu onse, Yosefe aleisa!”

<sup>95</sup> Efyo cikaba na Yesu. Efyo Ena atemwikwe kuli Tata, kabili no kupatwa kuli balya ba munyina ba filonganino, ukwabula umulandu. Ena ashitishiwe pali ba sifere amakumi yatatu, nge fyo cali; no kubikwa mucilindi, ukuba ngo ufwile. Pa lupanda; umo alilubile kabili umbi alipushiwe. Kabili ena alimishiwe ukufuma pa lupanda; kabili aikala ukwa kulyo kwa kwa Lesa, muli Mulopwe, Umupashi ukalamba uyo walangishiwa muli Wene. Kabili takuli umuntu uwingalanda kuli Lesa, kano fye kupitila muli Yesu Kristu. Tontonkanyeni pali cena! Kabili ilyo Ena akasha cilye Cipuna ca bufumu, no kutampapo, “Intandala ikalila, kabili ne kufi lyonse likafukama no lulimi lonse lukalumbula.”

<sup>96</sup> Ibukisheni, ena ali umwana wa kulunduluka. Ifintu fyonse ifyo acitile fyali fyakulunduluka. Nangu cibe mu cifungo, atemwa konse kuntu cali, cena caishile fuma bwino.

Kabili bushe Ena talaile ku bana Bakwe ukutila Ena akalenga ifintu fyonse ukubombela capamo ku busuma. Nangu cena cali malwele, inga'nda ya cifungo, imfwa, amalanda, conse ifyo cali, ukutila cili no kubomba ku busuma kuli abo aba Mutemwa. Ena alilaya cena, kabili cilingile ukuba ifyo fine. Cena cilingile ukuba kulya. Cena ku pashanya, ukulandwa kuli ifwe muli Wene. Ena ali cilye Cipasho cakwa Lesa icapwililika. Nomba tulemona pano, na cimbi, ukutila ilyo Ena akesa nakabili. . .

<sup>97</sup> Ibukisheni, Yosefe ku busokololo apuswishe isonde, ku busesemo bwakwe ubukalamba. Isonde nga lyalifwile nga tacali ni Yosefe.

Kabili isonde nga—nga lyalifwa nga tacali ni Yesu. “Pantu Lesa atemenwe isonde, ukutila Apele Umwana Wakwe eka uwafyalwa, ukutila uyo onse uwa cetekela muli Wene ekonaika.” Lesa alepususha Imyeo.

<sup>98</sup> Ukutwalilila kabili no kutwalilila kuti twaya! Pantu, kabili Ena ali fye uwalingana na Dabidi. Ena ali uwalingana na Mose. Ena ali uwalingana na Eliya. Ena ali uwalingana na Yosefe. Ifintu fyonse filelangishiwa atemwa kulandila kabela kuli Wene mu Cipingo ca Kale, fyalingene fye muli cilya, (cena ni cinshi?) ukulangisha Kalubula uwapwililika. Ukutila, ifwe kuti twabika ifya kufwala fyesu ifyalamba umwakuwashisha, no kuya fipoka nakabili. Fyena na fisambwa mu Mulopa wa Mwana wa mpaanga. Ifwe kuti twapoka ifyo fili ifyesu fwebene. Kabili ifintu fyonse ifyo Ena afwililepo, ifwe kuti twafipoka. E ico, Ena ali Cebo icapwililika, ukulangishiwa.

<sup>99</sup> Calisekeshe Lesa, Kabasa umukalamba, ukupuma Wene, no kucicita uyu musango. Tulemona Wene muli Esaya muno, nge fyo nacibelenga, “Ifwe bonse twali Mumwene, twaalwike icinso ukufuma kuli Wene. Tamwali ukuemba uko twingakabila muli Wene,” Umuntu onse ukulanda pali Wene, ukusenteka Wene. Ine

ndelanda palwa Wene nomba muli buno bushiku, umuntu onse ukusenteka Wene. Mwamona? “Ifwe twalimumwene Wene, twalimwene Wene.” *Ukumona* cipilibula uku “ukulolekeshapo.” “Ifwe twali mumwene Wene uwa pumwa kabili uwacushiwa na Lesa.” Nomba, Ena, ni cinshi ico Ena acitile ici? “Ena alashilwe pafya bupulumushi fyesu; Ena afwantilwe pa ma mpulu yesu.”

<sup>100</sup> Nomba, ifwe kuti twatwalilila no kutwalilila na cilya, lelo ndecetekela na mukwata icikope pa fyo ndepilibula nomba, Lesa ukukula ukubwekesha iciputulwa Icawamisha cakwe.

<sup>101</sup> Lelo twilabako ukutila mu kutendeka ilyo Ena aumine ulubali lwakwa Adamu, Ena abulile icintu cimo ukufuma kulubali lwakwe.

Nomba, ukupuma kwa kwa Kristu kwali pa mulandu umo, ukutila Ena engafumya kuli Wene, umo, ukuba ulupwa, Nabwinga; Ena enga isendela Ena Nabwinga. E ico ilyo Iciputulwa icawamisha Cakwe capwililike, lyena Ena alyumine Cena. Ukusenda ukufuma kuli Wene; te ciputulwa cimbi, te cilengwa cimbi, lelo ku cilengwa cimo cine.

<sup>102</sup> Munyinane, wintonkanya icabipa pali ci, lelo tontonkanya pali miniti. Nga Ena afumishe muli Wene icilengwa ca ntendekelo, ukumupangila Nabwinga Ena, Ena tatalile ukupanga icilengwa cimbi. Ena asendele iciputulwa ca cilengwa ca ntendekelo. Kanshi, nga Ena ali Cebo, ni cinshi ico Nabwinga alingile ukuba? Cena cilingile ukuba Icebo ca ntendekelo, Lesa uwa Mweo mu Cebo.

<sup>103</sup> Kimberley, South Africa. Inshita imo nalelolekesha pa ma diamonds, ifyo yena bayafumishe ukufuma mu mushili. Kabili naliyamwene yali palya. Nge fyo, cisuma, u—umukalamba uwa ilye ncende, atemwa umugodi, ali umo uwa bakafwilisha bandi mu mulongo wa kupepelwa. Kabili nalimwene ama diamond, ayamutengo wa ma dollar imyanda mishila, ukulonganikwa capamo, lelo yena tayabalike nangula pa lubuuto. Kabili natile ku mukalamba wa migodi, natile, “Mulandu nshi tayalebengeshima?”

<sup>104</sup> Atile, “Mukwai, yena tayalapotulwa nomba. Yena yalingile ukuputulwa. Elyo, ilyo yena yaputulwa, lyena yena yalalangisha ulubuuto.” Mwacimone co.

<sup>105</sup> Iciputulwa Icawamisha cilingile ukuputulwa. Moneni, ukuputulwa pali cinshi? Bushe ciputulwa cilaputulwa? Iyo, iyo. Iciputulwa ico ciputulwako, cilapangwa mu nyeleti ya victrola, kabili inyeleti ya victrola ilabikwa pa—pa—pali record isho ni nyimbo ishishimoneka kwi sonde. Lelo inyeleti eishifumya, eifumya ubwilulo ubwa cine ubwa Cebo.

<sup>106</sup> Ubumi Bwakwe bwalingene na bantu bonse. Cena casekeshe Lesa ukupuma Wene. Kabili, nomba, mulandu nshi Ena amupumine Wene? Pa mulandu umo wine Ena apumine Adamu.

107 Nomba tulemona Wene ukuumwa, ukupumwa na Lesa no kucushiwa, Umwana wa mpaanga uwapwililika pa mubembu—ukwipaiwa pa ba bembu, iciputulwa Cawamisha icapwililika.

108 Nomba, mupepi ne myaka amakana yabili, Lesa nakabili alepangila Wene iciputulwa Icawamisha. Pantu, Ena apumine Adamu ukusenda ica-. . . iciputulwa ukufuma kuli wene, icilundwa cakwe, ulubafu ukumupangila umukashi ena. Kabili nomba cilya iciputulwa Icawamisha icapwililika ico Ena apumine pa Kalbale, Ena asendele icilundwa ukufuma kuli Wene. Cena caba fye Icipingo Cipyaa, epela fye. Ena afikilisha Icipingo ca Kale. Nomba cena Cipingo Cipyaa, iciputulwa cimbi ukufikilishiwa. Mwamona, Icipyaa ne ca Kale caba umulume no mukashi. Mwamona? Kabili casendele Icipyaa ukula-. . . Ica Kale ukulangisha kabela Icipyaa; Kristu alishile, iciputulwa Cawamisha, ukufikilisha cilya. Nomba Nabwinga Wakwe ali no kufikilisha ifintu fyonse ifyo fyaba mu Cipingo Cipyaa. Nacimbi iciputulwa Icawamisha cili mukupangwa.

109 Nge fyo casendele Wene imyaka amakana yane ukupanga ici ciputulwa Cawamisha; nomba Ena aba, mupepi ne myaka amakana yabili ukupanga na cimbi iciputulwa Icawamisha, Nabwinga wakwa Kristu, cimbi iciputulwa Icawamisha. Mukucita cena filya, Ena alecicicta mu nshila Yakwe ishatala ukupilibuka, umusango umo wine Ena alengele iciputulwa Cawamisha; Icebo Cakwe. Ulya e musango Ena alepangilamo ifiputulwa fyakwe Ifyawamisha, pantu Ena kuti aba fye iciputulwa Icawamisha icapwililika ilyo Cena caba Icebo icapwililika.

Ifiko ifili fyonse, ifisoso, inyeleti, cili no kukontoka. “Lelo imyulu ne sonde fikapita, lelo cilya Cebo tacakatale ukukontoka.” Muleibukisha, mukuputula diamond, ukutila mulingile ukukwata icibombelo icapwililika icakubomfeshako, te ciputulwa fye icili conse icingacicita. Nalimona ukufina ukwa fyena ifya kupelelako ifikalamba ukushonaula ukupita muli yena, no kusesha yalya ma tons yalya ayakalamba palya, ukupishamo ilya diamond ukupula fye mulya. Iyo, cena tacishonaula diamond. Ilingile ukuputulwa.

110 Nomba ena alecita icintu cimo cine mu nshila Yakwe ishitala ukupilibuka. Tulesanga ukutila, muli Malaki 3, Atile, “Ndi Lesa, kabili nshiteluka.” Ena tekuti apilibule inshila Yakwe.

111 Nomba, nge fyo Ena atendeke muli Abraham. Panuma ya kuwa pa ciputulwa icawamisha ica ntanshi, Ena atendeke muli Abraham, pa mufula, ukukula na cimbi iciputulwa cawamisha.

Ena atendeke pa Bushiku bwa Pentecosti, ukukula na cimbi iciputulwa Icawamisha, Imbuto ya ntendekelo, Icebo. Atendeke mu Lukuta lwa ntanshi. Cali ni cinshi? Imbuto,



Icebo, Icebo ukumonekela, ubulayo ubo bwapelwe. Yoele atile, “Cikesacitika mu nshiku shakulekelesha, Lesa atila, Nkapongolwela Umupashi Wandu pa bantunse bonse; abana benu abaume na bana benu abanakashi bakasesema, abakote benu bakalota ifiloto, abalumendo benu bakamona ifimonwa.” Ifyo Ena akacita mu nshiku sha kulekelesha, shibili, imyaka amakana yabili iyakulekelesha.

<sup>112</sup> Moneni, kabili catendeke nge ca ntendekelo. Nge fyo Yesu asosele, “Icebo cakwa Lesa ni Mbuto iyo katanda atandile.” Kabili Ena ali ni Katanda. Imbutu yali Cebo. Kabili, moneni, imbuto ili yonse iyo ikala yeka taicita nangu cimo. Yena ilingile ukuwila mu mushili kukumesha fintu yaba nakabili. Kabili iyi Mbuto, lulyo Lukuta ulwapwililika, lwaliwile mu mushili ku Niceea, Rome, iyo lwaishileba icilonganino.

<sup>113</sup> Nomba, abelyashi lya kale, baleibukisha. Kabili imwe mwe bali no kumfwa iyi tepu, fwailisheni cena no kusanga nga cilya tacili icalungama. Ulukuta lwalifwile ku Niceea, Rome, iyo lweni lwasendele ifishilano ne fisumino, mu cifulo ca Cebo ca ntendekelo. Cena cali ni cinshi? Lesa alilangishe, kuli lulyo Lukuta lwa ntanshi, ukutila Ena ali ni Lesa. Ena alikwete Ulukuta ulwapwililika; lelo Ulukuta, nge mbuto shonse shimbi ishahala, shilingile ukuponena mu mushili no kufwa. Nomba, yena yaponene mu mushili, no kufwa, no kubola.

<sup>114</sup> Namwishiba, nalibelengele buku, te kale sana. Umo muntu alilembele i—ibuku, kabili atile, *Lesa Uli Tondolo*. Imwe limbi mwalibelenga lyena. Nalilabako, ine—ndetontokanya Bramback...Iyo, nshishibe, nshili uwashininkisha ninani uwalilembele lyena. Lelo tekuti njibukishe. Ninkwata lyena umo nsomena. *Lesa Uli Tondolo*, atile, “Lesa, ukupita mu nshita ya mfifi imyaka ikana, aikele shilili kabili tatalile ukusesha ukuboko, kabili ukulolekesha abaipaiwa aba cishinka ukuya ku cilindi ca nkalamo; no kocewa ku bena Roma; ukwipaiwa ukwa misango yonse; abanakashi ukubafula ifyakufwala fyabo, ukoca imishishi yabo itali, ku tala, no kuboca bena.” Ibukisheni, imishishi ipi intanshi yatendeke mu Rome. Kabili abanakashi aba cina Kristu balikwete imishishi itali, e ico bena—bena baitumpike muli tala no kuyoca, no kuboca bena, kabili bena ubwamba; bali balishishe ku nkalamo. Kabili uyu kalemba letwalilila ukusosa, “Alikwisa ulya Lesa?”

Owe, ubupofu bwa muntu, inshita shimo! Bushe ta mwaishiba ukutila ilye Mbuto yalingile ukufwa? Ena tatalile ukweshu ukubapokolola. Bena baile mukucimfya. Bena balile kulya, umulopa ulesuma nokulafwa, ukupela ubumi bwabo. Cinshi? Cena cali ni Mbuto. Yena ilingile ukuponena mu mushili, nge fyo, intanshi, Yohane 12 itweba. “Inseke ya ngano, ilingile ukuponena mu mushili kabili mulya ukufwa; kabili te

kufwa fye, lelo ukubola.” Lelo cilye cilonganino tacaishibe nangu panono ukutila ulyo Mweo wali ucili mulya. Nangula ulukuta ulwine. . .

<sup>115</sup> Kuli kalya Kabungwe ka Nicaea, aka nshiku ikumi limo na fisano aka kulanshanya ukwa mulopa ukwa mapolitiki, ilyo balya bakankala baishilemo kabili balefwaya ukubikamo aba ba shimucindikwa abakalamba mu lukuta. Kabili bakasesema baishile fuma mulya mu matololo kulya, ukulya mabula kabili abafwala mu mpapa sha nama, bakasesema abacine, kabili bena balibatamfishe. Cinshi? Imbuto ilingile ukuponena mu mushili. Ilingile ukufwa.

<sup>116</sup> Yalifwile mu nshita sha mfifi, mulya mukati ka lukungu lwa fita. Bena batontonkenye lwalile. Namwishiba, Yohane Washila 12:24, Yesu atile, “Kano fye uluseke lwangano lwa ponena mu mushili, lulekala lweka.” Kabili Ulukuta lwa kubalilapo lwali cilye caletelweko, ulya Nabwinga, ilye Mbuto, cilye Cebo ukulengwa ukumonekela, ico caponene mu mushili ku Nicaea, Rome.

<sup>117</sup> Umfweni, mwe Lukuta, ukupita mu nko shonse abali no kumfwa ici. Lulya palya ulukungu lwenu, ni filya ifilonganino. Kulya eko Icebo catanikwe, kabili bena balisumine icishilano. Kabili pa myaka imyanda ne myanda iya nshita ya mfifi, Amaka no kumonekela kwa Cebo kwalifishilwe kwi sonde. Bu Katolika fye bweka e bwatekele. Ifwe bonse twalishiba cilya, ngo kubelenga ilyashi lya kale. Bu Katolika fye e bwatekele.

<sup>118</sup> Lelo, imwe—imwe tekuti mufise Imbuto iyakwata ubumi, Yena ilingile ukumena pantu (cinshi?) Kabasa umukalamba ali pa mulimo. Ena ali no kukula nakabili. E ico Ena. . .

Imbuto yaile mu mushili, Icebo.

<sup>119</sup> Ilyo twamona Paulo Washila, Petro, Yakobo, Yohane, bonse balya abalembete Cebo. Kabili bena balilembete, Icebo ico bena balembete caishileba ica Mweo, no kuba no mweo, kabili Cena cali no mweo. Kabili ilyo tulesanga, panuma ilyo catendeke ukupya, Yohane atendeke ukulemba mu nkalata, ena aliposelwe pa Cishi ca Patmo panuma ya kocewa mu mafuta pa ma ora amakumi yabili na yane. Lelo Icebo cilingile ukwisa. Cena cilingile ukulembwa. Bena tekuti babilaushe Mupashi wa Mushilo ukufuma muli wene, na mafuta, e ico aishilefuma. Umulimo wakwe wali taulapwa. Ena afwile imfwa ya cifyalilwa.

<sup>120</sup> Polycarp, uyo wali umusambi wakwa Yohane, alitwalilile ne Cebo. Kabili ukufuma kuli Polycarp kwaishile Ireaneus. Kabili Ireaneus, umuntu umukalamba uwakwa Lesa uyo wacetekele Imbila nsuma imo ine iyo twacetekela, “Icebo calilungama.” Ulukuta ukwisha ukutitikisha Cena pa nse.

121 Mukulekelesha caishile ku Nicaea, Rome, kabili kulya lwena lwaliwile mu mushili, panuma Martin Washila, kabili alipaiwe. Martin Washila acetekela icintu cimo ico twacetekela. Ena aiminine icintu cimo cine; ulubatiso lwa Mupashi wa Mushilo, ulubatiso mu menshi mwi Shina lyakwa Yesu. Ena aiminine mu cintu cimo cine ico tulecita. Kabili ena ali ni kasesema, kabili aliceteki Icebo cakwa Lesa icituntulu. Kabili mukulekelesha bena balitanikwe, no kushonaulwa mu mushili, no kulala mulya pa myaka imyanda, mpaka calibolele ica kunse, Imbutu. Imibili ya kale yalibola. Eko nali mu Saint Angelo, mu manda, no kumona uko bafwilile, na mafupa yabo ayatobeka ne fintu ifili fyonse. Bena mukulekelesha bali bolele mpaka amafupa yabo yalifuminapo, lelo Umweo wali ucili mulya.

122 Uluseke lwa ngano ulu lwaponene mu mushili pa...pa kabungwe ka Nicaea, lwatendeke ukumena nakabili, muli Martin Luther. Kwati fye uluseke ululi lonse ululemena, atemwa ingano; panuma ilyo mbuto shabola, ubumi bulapuka. Kabili yena yatendeke ukumesha muli Martin Luther. Ni cinshi ico acitile, icintu cakubalilapo? Ukukana icilonganino ica buKatolika, asushishe ukutila cena cali icalubana. Pantu, atile, “Abalungami bakekalila ku citetekelo.” Cena cali ni cinshi? Unono uwanakuka Umweo uyo waishilekwata utunono utwamenene. Balya bali abena Luther. Cena mucine tacilemoneka ngo luseke ulu lwaile mu mushili, lelo Ubumi bulefuma nombamba.

123 Elyo caile mu mupeti. Lyena ni cinshi cacitike? Mu nshiku shakwa John Wesley, ni cinshi ico acitile ilyo aletele ukusangululwa? Ena alikele ne Cebo. Kabili ni cinshi cacitile? Abena Luther balibungenye no kupanga akabungwe, e ico cali ni nshita pa cintu cimo ukucitika. Iciputulwa icawamisha cilekulwa nombamba. Ni cinshi ico ena acitile? Ni cinshi ico ena acitile? Ena asushishe ulukuta lwa Anglican, lwalifumine mukulungamikwa ngo mupupunga. Cali ni cinshi cena? Imbutu ileisa ku Mweo, ukukula nombamba.

124 Nombamba, umupeti taumoneka nge mbuto, nangula umupupunga ulacita.

125 Nombamba, ba munyina ba Pentecostal munko shonse, ndefwaya imwe ukumfwa, munyinane. Nga iyi ni Mbila yakulekelesha nkatala ukushimikila, Ici e ciputulwa candi icawamisha. Bushe mulemona ilyo ingano...uluseke lwa ngano lwaponena mu mushili, ilyo lwena lwatendeke ukupanga ukubwelela ku lwaiko—uluseke lwaiko nakabili?

126 Lolekesheni icifyalilwa. Icifyalilwa, filya fine, ni Lesa. Lesa ukubombela mu cifyalilwa, cilya e conse Ena engacita. Lelo ukufuma ku kupuputula kwa Pentecost, nge fyo batontonkanya, cali ni Mbuto; tacali. Nombamba lolekesheni. Lelo

icintu cimo caishilefuma kwati fye ni Mbuto. Nomba lolekesheni ifyo Yesu asosele, muli Mateo Washila 24:24, ukutila, “Imipashi ibili ku nshiku shakulekelesha ikaba iyapalamana nganshi yena kuti yabepa na Basalwa nga cinga citwa.”

<sup>127</sup> Nomba, ulyo mupeti taumoneka nge mbuto; nangula umupupunga ulamoneka nge mbuto. Lelo moneni nomba, te mubushiku bwakwa Luther, lelo mu bushiku bwa kulekelesha.

<sup>128</sup> Icintu cakubalilapo. Muliko abalimi abangano abekele muno. Icintu cakubalilapo icisa pa mbuto ya ngano, imwe kuti mwatontokanya fye cena cali ni mbuto, lelo (cena ni cinshi?) cena cipapa. Ilapanga akanono akantu alakunse, akapala, ukwikatilila imbuto. Ilapanga icipapa. Lelo icipapa tacaba ni mbuto, ukukana cila umupupunga atemwa umupeti wali. Cena caba fye icakusendelamo ubumi, uluseke lwa ngano, lyena. Yohane Washila 12, mulemona, Yesu alelanda.

<sup>129</sup> Ingano, panuma ya mupupunga (panuma yakwa Wesley), yaishile mesha icipaapa, ico cali mukumoneka kwati luseke atemwa icintu cimbi icashala. Icipapa caba fye kwati luseke. Cena cileisa mukupalana kwati luseke fye inshita fye yonse, ulyo waile mu mushili. Kabili cilesa mukumoneka, umupeti, wena naukwata Ubumi muli bwena, lelo bwena mu cine tauli ningano. Lulesa mukumoneka umupupunga, ubuluba, bwena nalyo line talwaba uluseke. Kabili elyo cilesa mukumoneka icikapa, kabili cena cili fye mumusango wa ngano, filya fine fye ngo luseke lwa ngano, lelo nomba tacili ni ngano. Filya fine mu musango umo wine, ukupwililika.

<sup>130</sup> Ba Pentecostal baishilefuma kwati fye ni ngano inga cita. Cila umo esa mukufuma ku mubiye, ukwisa ukufuma ku mubiye, lelo bena baba fye icakusendelamo. Balaya ku cilonganino. Kabili filya eflyo Pentecostal acitile, aile ku cilonganino. Kabili ni finshi ifyo Pentecostal acitile ilyo lwaishilemoneka fye ngo luseke? Lwena lwali bwelele kunuma, kwati ni mu Kusokolola 17, kuli cimo ica fya cilonganino baampama. Cilya ni filya fine. Filya eflyo Yesu asosele.

<sup>131</sup> Nomba lolekesheni. Imbila nsuma ili nokwisa monekela ukupita muli Luther, ukupita muli Wesley, muli Pentecosti, kabili mu nshiku sha kulekelesha cikabepa na Basalwa bene nga cingaba icingacitwa. Abasalwa! Owe, ba munyina ba Pentecostal, bushe ta mulemona?

<sup>132</sup> Ingano mu ntendekelo ya lwena ulwa kubalilapo lwaba fye nge mbuto, ilyo lwena lwaatendeka ukupangika nge mbuto, lelo lwena cikapa. Lwaishilelonganika, filya fine ukucita icintu cimo cine bena bacitile umu muli Luther. Mu Kusokolola 17, cileshininkisha icintu cimo cine, pa ma chalichi.

<sup>133</sup> Nomba, uluseke Mbuto, mu ntendekelo, lwali ponene ku Nicaea, pantu cena cali cilonganino ca ntanshi.

<sup>134</sup> Moneni pano, Ubumi ubo bwali mu mupeti, umupupunga, fyonse nomba filepwila mu Mbuto. Ubumi ubo bwisa ukufuma mu Mbuto ya ntendekelo, ukwisa ukupitila mu mibombe iyapusana pusana (imibombe iyapusana itatau), kabili elyo ukubwekela mpaka mu mibele Yaluko lwa ntendekelo. Aleluya! Owe, mwe! Ndi muntu uwansansa nganshi mwi sonde, uo Lesa ukutula nasuminisha ine ukumona Ici. Lolekesheni ifyo capwililika Icebo ne fi (fyacifyalilwa) ukubombela capamo.

<sup>135</sup> Kwati nge fyo twashininkisha ukubuka; ukutula, akasuba; ukuwa kwakasuba; ukutula nakabili.

Ibula ukufuma ku cimuti, panshi mu, amenshi mu mushila; kabili yalesa mukubwela, kabili—kabili ibula lilabwela na cena nakabili. Lilaponena mu mushili nakabili; ubumi bwa cimuti bula bukula ukubwelelamo, calcium na potash, no kuleta cena pa mulu kwi bula limbi nakabili.

Mwamona, icifyalilwa conse, ifintu fyonse fibombela pamo ne—ne Cebo cakwa Lesa. Kabili ici cili apa, filya fine, ukupwililika muli ishi Nshita sha Lukuta. Ulya e mulandu wine Mupashi wa Mushilo aishile ika no kulenga filya fintu, kabili no kutulengela ifwe fyena umusango Ena acita. Cilya ni filya fine.

<sup>136</sup> Moneni, pano, Ubumi ubo bwali mucikapa. Mu mupeti, kabili mu mupupunga, mu cikapa, fyonse filongana mu Mbuto. Kabili Ubumi ubo bwali mu mupeti, bwalile, bumo bwaile ukupanga icibiye. Ukulungamikwa, kwapangile nshila ukusangululwa; ukusangululwa, kwapangile nshila ulubatisho lwa Mupashi wa Mushilo; ulubatisho lwa Mupashi wa Mushilo, lwapangile nshila ku Mupashi wa Mushilo Uwine ukwisa ika mukupwililika, kubwelela ku Cebo nakabili, ukuilangisha icine.

<sup>137</sup> Lelo, ico calonganike, califwile. Kwati Ubumi, muli Luther, bwaile mukupanga Wesley, kabili—kabili ukufuma kuli Wesley, Bwena bwaile ku Pentecosti; kabili, ukufuma ku Pentecost, ukupanga Imbuto ya ntendekelo. Ukuya ku Pentecosti, bwaishilefuma muli Wesley, mpaka ilya nshita. Umulandu uo Pentecosti yafumine muli Wesley, pantu lwena talwali icilonganino, Pentecosti yali. Elyo Pentecosti yaile kukulonganikwa, kabili (ni cinshi ico lwacitile?) lwena lwaishile sangukila ku cikapa. Cena camoneke nge Cintu icituntulu.

<sup>138</sup> Kabili, uuli onse, ni banga abatala ukumonapo imbuto—imbuto ya ngano yatendeka ukukula? Ni cinshi icintu ca ntanshi icinono? Cena ni filya fine fye nge mbuto, lelo cena cikapa.

Mwamona intamfu shitatu? Umupeti; umupupunga, atemwa ubuluba; elyo icikapa; kabili lyena, ukufuma ku

cikapa, kulesa Mbuto ya ntendekelo. Mwamona? Tacili ni Mbuto; cena cali Ubumi bwali mu Mbuto, ukukula ukupitila muli ci, ukwisa ku Mbuto. Ameni, ameni! Bushe mulemona cena? Cena ni cinshi? Ukubuka, ukwisa ku ciputulwa icawamisha nakabili, kwati ni Cilya icaile mukati.

<sup>139</sup> Pentecosti yaishilefuma muli Wesley, pantu Wesley ali akabungwe. Pentecosti yaishilefuma, ukukanaba akabungwe, kabili lyena yaishilepilibukila kuli kamo. Yalingile ukucita, ukupanga icikapa. Ica cine Icebo ica Mweo pali cena, cali mu nshila ya ciko lyena ku Luseke lwa ntendekelo, muli ishi ntamfu. Ukupitila mumupeti, elyo mubuluba; ukufuma mubuluba, ukuya mucikapa; kabili ukufuma mu cikapa, Cena calengele Mbuto.

<sup>140</sup> Iyo, umupeti, umupupunga, icikapa, ukuba no bumi, fyena fyameseshe (mukupuputulwa kwa fiko kwa kubalilapo) icakwikatilila ica ciputulwa cimo ica Bumi bwa Mbuto; lelo, ilyo bena babungenye, Ubumi bwafumine muli cena. Cilya calishininkishiwa kwi lyashi lya kale lyonse. Takatala akabungwe ukutala ukucite cintu nangu cimo panuma kena kabungenye. Kena kalifwile. Cilya cishinka.

<sup>141</sup> Lolekesheni, Ubumi buleenda nomba. Bwena buleenda.

<sup>142</sup> Moneni, ifyo bena bacita, bonse aba na bacita, calishininkishiwa kwi lyashi lya kale filya fine fye umusango ulukuta lwaishile, uku kana bomfiwa kuli Wene nakabili. Akabungwe kalibikwa pa shelufu. Takwatala ukubako, muli lyonse ilyashi lya kale, ulukuta, panuma ilyo lwabungenye, lelo ulu lwafwile. Kabili akabungwe kalifwile kabili takatala ukwima nakabili. Bushe tamulemona cena? Mwe bantu mwe bapofula, isuleni amenso yenu! Ifya cifyalilwa kabili ne Cebo ukubombela capamo nokushininkisha cena pano pene ukutala Ici e Cine, ukutala cena Cine. Bulyo Bumi bulasha umupeti, ukupanga umupupunga; ukufuma ku mupupunga, Bwena bulapanga icikapa; kabili ukufuma ku cikapa, Bwena bulaya mu Ntendekelo nakabili. Moneni, talwaba nakabili ulwa ku mubombela Wene.

<sup>143</sup> Ifyo bulemoneka ubu bumi, mukwenda kwa buko muluseke lwa ngano, ukucila ifyo luli mu cimuti. Lesa ukwita abantu Bakwe kwati cimuti; mwamona, ubumi bulaya panshi, mu cimuti, kabili bulabwela pa mulu nakabili; bulaya panshi no kubwela pa mulu; mwamona, bulaya panshi no kubwela pa mulu. Lelo, muluseke lwanganano, bulaya pa mulu ukufuma mu mupeti wa ntendekelo. . . ukupita mu mupeti, mu pupunga, ne cikapa; kabili incitu ico lwena lwapitilemo, cilafwa, e ico bwena tekuti bubwelele ukupita muli cena nakabili. Cena ni cinshi? Cena tacikwete incito nakabili. Cena cilaya mukupwililika kwaciko.

Ameni! Bushe mulemona umulandu Ena tatalile ukubomfya akabungwe? Ena tekuti abwekele muli kena

nakabili. Kena kalifwa. Lelo Ubumi bulatwalilila, ukufuma kuli cimo ukuya ku cibiye. Mwamona, bena balabika ifisumino, nokubikamo. “Uyo onse ukalundako icebo cimo, atemwa ukufumyako Icebo cimo,” mwamona, ena aisalilwa ukufuma kuli Cena. Cena cilingile ukuba Ubumi bwa Mbuto ukwenda ukuya pantanshi.

<sup>144</sup> Ndebomfya ici mu mulumbe nomba, ubwakwa Nabwinga, iciputulwa Icawamisha ico cileisa. Nge fyo Iciputulwa Icawamisha cawile, kuliko iciputulwa Icawamisha icileima. Iciputulwa Icawamisha cawile pa Pente- . . . pa Nicaea, Rome, pa Nicaea. Panuma ya Nicaea, Rome, Ena aishilepita mu mibombe, lelo Ena aleisa ukubwelela nakabili kuli cilya iciputulwa Icawamisha, ukupwililika, pantu Ena aba iciputulwa ca cilya Cebo ico calandilwe na Wene. Ena akakwata “Ulukuta lwa bula akalitoni atemwa akalukashi.” Lwena talwakasuntinkane mu nshila ili yonse no musango onse uwakabungwe atemwa icilonganino, icintu catipwa. Lwena lwalipita muli filya fintu, lelo lwena talwakatale ukuba kulya.

<sup>145</sup> Moneni, imbuto ileisa pa mulu, bulyo Bumi buleisa pa mulu, tabulebwelela kunuma. Takwakabe ukubuka na kumbi panuma ya uku. Ubumi buleisa pa mulu, ukuya mukupwililika kwa luko, ukubuka.

Moneni, icikapa caletele i—i. . . Moneni, icikapa cileta Imbuto ya ntendekelo ukufuma mu ine yeka. Mu Kusokolola, icipandwa ca 3, tulesanga ici.

<sup>146</sup> Nomba ibukusheni, takwaba ulukuta lumbi ulo Ena abikilwe kunse, muli Baibele, pa Nshita sha Lukuta Cinelubali. Ni banga abaleibukisha cena? Ena apitile ukupita mu Nshita ya Lukuta, ukutwalilila ukupanga icintu cimbi, lelo, ici e Cena. Takuli cintu na cimbi. Lelo ka—Kabasa nabwelela kukupwililika nakabili, Icebo. Mwamona? Mwibwekela kunuma. Ifyo kupusana Cena cili. Ee, owe!

<sup>147</sup> Kabili moneni lyena, icikapa, ilyo caisa, cimoneka fye ngo Luseke. Lelo ilyo Ubumi lwa luseke bwa tendeka ukusha icikapa, ukuya mukupanga Uluseke (Nabwinga), icikapa cilesuka no kutamfya Uluseke. Bushe co cishinka? Ifya cifyalilwa, cilya ni filya fine ifyo Lwena lwacitile.

<sup>148</sup> Mu—mu Kusokolola 3, tulesanga ukutila Inshita ya Lukuta lwa Loadikea, lwali bikile Wene panse. Nomba, mwamona, lwena lwacitile, kunuma mu nshita shimbi, pantu kwaliko icintu cimbi nomba ukupangwa. Cena capitilemo fye no kuya kuli cimbi. Nimweba, lyonse li, takuli nakabili ifilonganino ifileisa. Ifwe tuli kumpela. Kabili bena babikile Ena kunse pantu (cinshi?) Ena —Ena—Ena e Cebo, nakabili. Ena aba nga Ulya uwawile kulya lubali. Ena Lisambilisho limo line ilyo ilyaishileisa ukufuma ku ntendekelo.

<sup>149</sup> Kabili iIyo Icebo Imbuto catendeka ukukula, icikapa cilabika Yena ukufuma ku Cine. Ubumi bulasha fyonse ifyashala, ukukonka Yena. Balya e bacetekela aba cine, bena balakonka Ubumi konse uko Ubumi buleya.

<sup>150</sup> Nga mu Israele, iciputulwa icawamisha, nga twalikhwete nshita; nkhwete fye ama miniti ayanono ayasheleko. Lelo mu cipasho capwililika, mu kutendeka, ukuli konse uko Intumba ya Mulilo yalile kwali Umweo. Lesa ali lulyo Lubuuto. Kabili nshilesakamana nga cali pakati ka bushiku, atemwa nangula bena bali mu ncende iyasalwa isuma; iIyo Ntumba ya Mulilo yaselele, intandala yalilile na Israele aendele pamo na Yena.

Aleluya! Kabili iIyo intandala yalilile, Martin Luther aendele pamo na Yena. Kabili ena alibungenye, kwipaiwa . . . te ena umwine; umuntu wakonkele panuma yakwe. Kabili lyena Lesa asendele Ubumi ukufuma muli cilya, no kuleta Cena ukutwalilila, abikile cena mulya mu nshishi.

<sup>151</sup> Elyo kulya kwaishile Wesley. Ena alimwene kalya kabungwe akakalamba, e ico ena alishishe intandala, iya kusangulula, na cimbi Icebo. Mwamona? Ilyo acitile, kulya balyendele, kulya ukufuma muli—ukufuma muli Luther, ukuya fye mu Methodist.

<sup>152</sup> Kabili iIyo Pentecosti ya mwene cena, bena balishile i—intandala, yena ni nshita ya kwisa kwa fyabupe. Mwamona ifyo bacitile? Bena balishishe intandala, kabili kulya balishile. Elyo bena balibungenye.

Lelo, ibukisheni, panuma ya cikapa, kuliko intamfu shitatu isho twaishibapo, takuli nacimbi icishele kano Uluseke. Mwe Lesa! Kabili lyena Uluseke lulafumishiwa muli conse Cena. Ameni kabili ameni! Imbuto sha Fyebo shatendeka ukuipanga Ishine, Ubumi bulaletwa ukufuma . . . Nomba moneni, nga shibwinga, ukutendeka, intanshi, Shibwinga . . . Uyu ni Nabwinga uleisa.

<sup>153</sup> Ibusiheni, Ulukuta lwatendeka pa Pentecosti, kabili Lwena lwawile pa Nicaea. Lwaishile puka, tekupalana no Luseke ulwacine, iyo; cali ni bumo Ubumi mulya, lelo lwena lwapakule pa kutila lwingapanga akabungwe. Kabili Ena atintile ukupita muli kalya kabungwe. Kabili lyena ni cinshi Lwena lwacitile? Lyena lwena lwalile, ukufuma kuli kalya kabungwe, Lwena lwalile mukabungwe kambi, lwaile muciputulwa cimbi ica Cebo; ukulungamikwa, ukusangululwa, ulubatisho lwa Mupashi wa Mushilo. Mwamona? Kabili iIyo Lwena lwaile ukupita muli uyu mupeti ne mibombele, Lwena lwalitwalilile ukuletelapo na fimbi.

<sup>154</sup> Ibusiheni, ubuluba ubunono bwaba ifingi, umupupunga walipalana nge Mbuto ukucila ifyo mupeti uli. Kabili icikapa calipalanako nganshi nge Mbuto ukucila ifyo umupupunga wali. Lelo Imbuto Ine yacila cilya. Mwamona? Yena yabomfesho fye cilya kukwendelamo, ukuisenda Ine ukupita.



155 Moneni, Nabwinga. Nga Nabwinga, mukutendeka, ali Cebo, atemwa Shibwinga; kabili lyena nga Nabwinga afumishiwa kuli Shibwinga, Wena alingile ukuba Icebo nao. Moneni, Nabwinga alingile ukuba.

156 Cinshi, mulandu nshi Shibwinga alingile ukuba Icebo ukumonekela, ukulengwa palwalala? Ni pa mulandu Nabwinga kabili na Shibwinga baba Umo. Wene aba fye iciputulwa icaumwako ukufuma kuli Wene. Cilya palya iciputulwa Icauwamisha. Cena calyuminwe. Ukusosa . . .

157 Michelangelo tekuti abwekeshepo ukupanga cilya. Ena tekuti acibweshe kunuma.

Lelo Lesa ali no kucicita. Ena ali no kuleta uyu Nabwinga umunono, uyo wapumwa, kubwelela fye kulubali lwa Cebo ca ntendekelo. Kabili Ena ali palya, cilya palya iciputulwa Cawamisha, ulupwa ukubwela nakabili mwi bala lya Edeni.

158 Musango nshi uyu Nabwinga ali no kucita ici? Musango nshi iyi Ngano ili no kucita ici? Malaki 4 itila, mu nshiku shakulekelesha, cena cikabwekeshiwapo, (cinshi?) ukabwekeshiwapo nga mu ntendekelo; ukucibwekesha! “Nkabwekesha,” eflyo asosa Shikulu, “yonse iyi myaka makanta usenya, na makanta umeng’anya, kabili fyonse ifi fintu fimbi fyalya. Nkabwekeshapo nakabili.” Malaki 4 itila, “Ena akabwekesha imitima ya bantu, ne Citetekelo ca bantu, ukubwelela kuliba shibo abantendekelo nakabili.” Mwamona? Ifwe tulemona ici kuno kwine ku ntanshi yesu, mwe Lukuta. Ni pesa apo tubelele?

159 Nomba, ukwisala mu maminiti ayanono, ndefwaya imwe ukumona mupepi nganshi pa cintu cimo ico cicitike fye.

Malaki 4 ili no kubwesa, ukubwelela ku ntendekelo.

160 Wene alipumwa ukufuma kulukuta, ukufuma mu mubili wa lukuta; ukupumwa pamo na Shikulu Wakwe, pe pange limo line. Wene e Cebo. Cimo cine fye nge fyo Yosefe apuminwe ukufuma kuli ba munyina, pantu ena ali Cebo. Kabili Yesu alipuminwe ukufuma kuli ba munyina Bakwe, pantu Ena ali Cebo. Ulukuta nalupumwa. . . Nabwinga napumwa ukufuma ku lukuta, pantu Wene e Cebo. Shilya palya intamfu shenu nakabili; lumo, shibili, shitatu, mwamona, filya fine fye.

161 Icebo, ica mweo na kabili mu mulimo, Nabwinga wa Baibele, te umu nabwinga uwapangwa no muntu; Nabwinga wa Baibele, uwapumwa no kucushiwa na Lesa. “Takwete ukuemba uko twingakabila Wene. Lelo nomba ifwe twamulingile Wene uwapumwa no kucushiwa na Lesa.” Cilya cishinka. Wene aiminina eka. Wene alipumwa ukufuma ku filonganino fyonse, ukulingana no Kusokolola 3. Wene alipumwa ukufuma ku Nshita ya Lukuta lwa Laodikea ukutula Wene ali mishiwemo. Mwamona? Ulu Lukuta lwalimishiwe mu Nshita ya Lukuta lwa Laodikea; cilya cikapa. Lelo nga balya bambi balile. . .

162 Bushe iwe we muntu wa Pentecostal taulemona cilya, nga cilya cimbi cali icikapa kabili califwile? Nga cilya cimbi (umupeti) walifwile, umupupunga walifwile, kanshi ne cikapa cilingile ukufwa; intamfu shitatu isha tubungwe.

163 Kabil ibukisheni, mwatile, “Cisuma, nomba, kwaliko imipupunga ingi ukulebelako. Kwalibako ifingi ifya *ici*.” Ee. Kulya kwali Methodist, Baptist, Presbyterian, Lutheran, ulukuta lwakwa Kristu, fyonse ifi fintu fimbi finono ifyawile muli cena, fileya ne fintu fyonse fyashala ifyo fyalebela kuli cena, lelo ica ntendekelo cali bakalungamika, nomba, mwamona.

164 Eminina eka, nga Shibwinga, “ukumukana ku muntu, uwasulwa no kukanwa ku machalichi.” Nabwinga e minina ulya musango. Cena ni cinshi? Cena ciputulwa Cawamisha Cakwe, mwamona, cena Cebo ico Ena engabombelamo, ukulengwa ukumonekela. Ukukana!

165 E ico, umupeti, umupupunga, ne cikapa, tafisa mu Mbuto, iyo, lelo inshita fye yonse fyena fisa mukuba nge Mbuto.

166 Nomba pa nshita ya kusombola, Imbuto naibwelela ku Bumi bwa ntendekelo, ukubwelela kuli Baibele. Malaki 4 isoso kutila cikaletwa muli ulya musango. Owe, owe, mwe! Cilingile ukukwata fyonse! Ukuba muli uyu musango, Cena cilingile ukukwata Icebo conse. Bushe co cishinka? [Ulukuta lwatila, “Ameni.”—Ka.]

167 Nomba ni cinshi ico Ena asosele, mu Kusokolola 10, ico cali no kucitika? Mulandushi bulyo bulendo ku Tukson? Ukwisula ku Lukuta. “Mu nshiku sha nkombe, ishakwa malaika uwa cinelubali, Imbila iya malaika uwa cinelubali, Icebo cakwa Lesa conse cikalengwa ukumoneka. Icikakatikilo, cilya ico umupeti onse washa, mulandu nshi kabili na fyonse palwa Cena, fikalengwa ukumonekela pali iyi nshita.”

Bushe filya eflyo Icebo cisosa? [Ulukuta lwatila, “Ameni.”—Ka.] Kanshi, ifwe tulemona cena. Lyena ni kwisa uko tubelele, mwamona, nikwisa uko tubelele? Kwaba fye icintu cimo, ukusombola kuli pano. Wene na pishiwa nganshi. Wene ali uwaiteyanya nomba pa lwa Kwisa. Moneni.

168 Iyo, cena tacakatale ukuba Cena. Pa nshita yakusombola, Imbuto ilabwelela ku mibele yaiko ya ntendekelo, kabili ilingile ukukwata conse Cebo, pakutla ingaba Imbuto. Nomba, imwe tekuti mukwate Mbuto ili hafu; yena teti imene. Mwamona? Yena ilingile ukuba Imbuto yonse. Yena tailingile ukulangisha...Ukusosa, “Nalicetekela mu lubatisho lwa Mupashi wa Mushilo. Aleluya! Nalicetekela mukulandila mundimi.” Cilya ciputulwa fye ca Mbuto, uh-huh, lelo nomba kwalilundwa kuli cilya. Aleluya! Mwamona? Ubumi, te fya bupe; Ubumi bwafya bupe. Mwamona, moneni ifyo ndepilibula? Ifwe tuli pa nshita ya mpela, ba munyina.

<sup>169</sup> Umupeti, umupupunga, icikapa, nafifwa kabili na fyuma nomba. Kuli fye icintu cimo icilingile ukucitika kuli cilya, cilingile ukulonganikwa mu Kabungwe ka Machalichi ke Sonde ukocewa kwa fiko.

<sup>170</sup> Icebo nacilengwa ubuntuse, filya fine nge fyo Ena alaile muli Luka 17, Malaki 4, na fyonse, mwamona, cilya cishinka, Ukusokolola.

<sup>171</sup> Bonse Ubumi bwa cine ubo bwali mumupeti, umupupunga, ne cikapa, nomba na bulonganikwa mu Mbuto, ukuba uwaiteyanya ku kubuka, ukuba uwaiteyanya ku kusombolwa. Alifa naisa mukuba Omega. Ameni. Uwa ntanshi aisaba uwa kulekelesha, kabili uwa kulelekesha aisaba uwa ntanshi. Imbuto, iyo yaile mukati, naisa ukupita mu mibombele no kuba Imbuto nakabili.

Imbuto, iyo yaponene mwi bala lya Edeni, no kufwa kulya, naibwela. Ukufuma kuli ilye mbuto ishapwililika iyo yafwile kulya, ukubwekela ku Mbuto yapwililika, Adamu Wacibili.

<sup>172</sup> Efa wa ntanshi uyo wawile, kabili alibomfiwe mukulungamika kwa cibili. . . ukwisa kwa cibili, ngo kufyala umwana, nomba naisa mukuba Nabwinda uwa cine nakabili, Imbuto, ukubwela fye ne Cebo ca ntendekelo nakabili.

Alifa na Omega aba cimo cine. Atile, “Nine Alifa na Omega,” Ena tatalile ukusosapo icintu icili conse pakati. Uhuh. “Nine Alifa na Omega, uwa Ntanshi no wa Kulekelesha.” Ee, mukwai.

<sup>173</sup> Bukapyunga bwakubalilapo kabili na bukapyunga bwakulekelesha buli cimo cine. Imbila ya kubalilapo kabili (iya cibili) Imbila yakulekelesha caba icintu cimo cine. “Nine, Nali muli Alifa; Naba muli Omega.” “Kukaba akasuba ako akashaketwe akasuba nangula ubushiku, lelo mu nshita ya cungulo bushiku kuba Ulubuuto.” Mwamona, Alifa na Omega, cena caisaba ica ntanshi ne cakulekelesha. Owe, mwe, ba munyina, ifwe kuti twaikala ama ora pali cilya.

<sup>174</sup> Iciputulwa Cawamisha icikalamba icalupwa, Adamu wa Cibili kabili na Efa wa Cibili, nomba abaiteyanya ukuya kwi bala, Millennium, ameni, ukubwelela pe sonde. Aleluya! Kabasa umukalamba tabashile bena na bekala mulya. Ena alisendele nshita, nge fyo Ena acitile ukupita mu myaka ba million, ukubumba aba upana aba ntanshi abapwililika; kabili bena baliwile; nomba cena caba ukupita mummyaka amakana, Ena nabumba nakabili, kabili nomba pano bena nabaiteyanya.

<sup>175</sup> Iciputulwa Icawamisha calishile no kumwa; ukufuma kulubali Lwakwe kwaishile uwa kumwafwilisha.

Kabili Wene naletwa mu mibombele imo ine. Nomba kuno Wene na bwela nakabili; ne fya cifyalilwa fyonse, Baibele, ne fintu fyonse ifyashala, ukulangisha ifwe tuli pano.

Nko shilepatukana, Israele alebuka,  
 Fishibilo fyo barbele yalandile kabela;  
 Nshiku sha Benafyalo shapwa, (lolekesheni  
 kuli ili bumba ilya fisoso twakwata), ne  
 fyakutinya ifingi,  
 Bweleleni, Mwe basalangana, ku mwenu.

Cilya cishinka. Imwe mulingile ukwingila mulya bwangu,  
 nga muleya.

Ndeiteyanya ukwisala nalimo ama miniti yasano, ikumi.

<sup>176</sup> Moneni iciputulwa icawamisha icikalamba, icalupwa. Umulume no mukashi tekuti babe ulupwa mucine kano fye bena bali umo. Bena balingile ukuba. Nga tabali fyo, bena tabali ulupwa lusuma; umukashi ukutintila ulubali lumo, kabili umulume lubiye. Cilya kuti capanga ulupwa ulwabipa. Lelo mukusuminishanya, ne citemwiko umo ku mubiye, lulya elupwa. Kabili nomba cilya cali iciputulwa icawamisha icakwa Lesa, kabili nomba lonse ulupwa ulwa cine pano lulangisha cilya. Mwamona?

Kabili nomba iciputulwa Icawamisha icalupwa na cisa nakabili, Kristu na Nabwingwa Wakwe, abaiteyanya ukwisa. Adamu wa Cibili, Efa wa Cibili, abaiteyanya nomba ukubwelela ku Mushi wa ku mwabo. Kabili icikope conse caba ukulubulwa. Ukufuma uko cena cali, ukucileta ukucibwekesha, mwamona, filya fine fye ukubwekesha cena nakabili. Panuma. . .

<sup>177</sup> Ubushiku bumbi, ukwiminina kuno lubali ku Baume ba Shimakwebo Abenakristu. Mwe bengi imwe, ndemoni, mwali kulya. Ilyo naumfwile ulya shimapepo umu Lutheran, atemwa kashimikila, atemwa alingile ukuba, ukwiminina kulya no kusosa cilye cintu icabuwelewele, no kusenteka ifyo ifwe twacetekelamo. Kabili balya Abaume Bashimakwebo aba Mbila nsuma Yonse ukukwata ulya umwaume kulya, no kusosa filya. Ena apilibwile inteneshi yakwe. Abengi muli bena balacita nomba. Kabili atile, "Nomba, abantu balanjipusha umulandu impilibwila inteneshi yandi, batila, 'musango nshi benga kupusanya kuli shimapepo wa ku Katolika.'" Atile, "Takwaba ubupusano, kabili takulingile ukuba." Atile, "Ifwe bonse tuli abana bakwa Lesa." Atile, "Ninjishiba shimapepo wa ku Katolika uyo uwaba konse konse, mwamona, uyo wingabapo ukuli konse."

<sup>178</sup> Nomba imwe tekuti mube ukuli konse ukwabula ukuba uwaishiba fyonse. Lesa taba nangu ukuli konse; Lesa aishiba fyonse. Ukwishiba fyonse, e kulenga Wene ukuba konse, Ena alishiba ifintu fyonse. Lelo, pakutila engaba Icibumbwa, Ena alingile ukuba mu Cibumbwa cimo. Pa kuba uwaishiba fyonse—uwaishiba fyonse, Ena kuti aba ukuli konse. Pantu, ena alishiba ifintu fyonse, kabili ena aishibe cena ilyo

i...Ena alishibe, cena ilyo icalo tacilatendeka, ni shinga impatila, inda, ni finga ifipu, kabili miku inga fikakapa amenso ya fiko, ne fintu fyonse palwa cena, mwamona, pantu Ena aba konse. Imwe tekuti mwishibe fyonse—ukwishiba fyonse ukwabula ukuba uwaishibila kabela fyonse. Kabili kwaba icintu cimo icaishibila kabela; Lesa. Ameni! Kabili lyena ifwe...

<sup>179</sup> Cena ni cinshi? Cena ni Kasebanya, ukubasenda ukulola kulya kwine kuli kulyo kwipaiwa. Cila umo muli bena baleyamo, filya fine ifyo Baibele yasosele. Kabili ici cili pano, mwamona, ukwisa mukati fye ka ba Pentecostal, kabili ukubatintila fye kwati fye... Ifyo yabe nshita!

<sup>180</sup> Owe, panuma ya bulyo bunte, umo muntu atile kuli ine...Ine—ine...Cena cali icintu icisuma nshasosele ifingi sana, pantu bena limbi nga balimbikile mu cifungo kulya. Lelo natontonkenye fye, “Cilya cili palya.”

A—abantu abo abasambilishiwa, balishiba. “Aba mano bakeshiba Lesa wabo, muli bulya bushiku,” eflyo isosa muli Daniele, ee, mukwai. Mwamona, “Aba mano bakeshiba Lesa wabo.” Bena balelolekesha pali ifi fintu.

<sup>181</sup> Lelo ilyo namwene cilya ukucitika, na balya ba Pentecostal ukwiminina kulya pamo na wene! Nangula Oral Roberts alolekeshe kuli ine nga *filya*. Natile, “Owe, mwe!” Uh! Lelo, ukwiminina kulya ukwabula amasambililo, uwa wamishiwa, namwishiba, kabili na fimbipo.

<sup>182</sup> Ulya te musango Lesa awamishamo Abakwe. Ena tawaminisha Abakwe na masambililo. Ena awaminisha mukupetama, mu—mu maka aya Cebo Cakwe icalangishiwa, ukulangisha umusango wa Luseke ulo Lwena lwafumineko.

<sup>183</sup> Nomba, umo muntu atile kuli ine, atile, “Munyina Branham,” atile, “kuliko icintu cimo ico teti njiluke palwa iwe.”

Natile, “Cilya ni cinshi?”

<sup>184</sup> Ukwiminina kulya mu cikulwa...Ndemoni, Nkashi Dauch na bena, panuma ilyo naposhenye muminwe na Bill, kabili ukwiminina kulya; kabili bonse baile ukushinguluka icifutu, kabil ibumba lyonse lya bantu. Kapyunga aishile pita ukwingila, inteneshi iyapilibulwa, atile, “Mulandu nshi ukutila iwe lyonse ulebaula abantu?” Atile, “Balya bantu balikucetekela iwe ukuba umubomfi wa kwa Lesa, kabili uleba uwanakilila kabili umusuma kuli bena, ne fintu fyonse.” Atile, “Inshita yonse naumfwa iwe waminina, iwe ulebaula abanakashi, palwa kukwata imishishi ipi, kabili na palwa kufwala bakaputula, no kuiwaminisha, kabili na fyonse fintu fimbi; nokulaebaula abantu, kabili ukubeba ifyo batalala ne mimonekele kabili ifyo bakwata ifikansa.” Atile, “Mulandu

nshi ucitila cilya?” Atile, “Balya bantu balikutemwa iwe. Musango nshi iwe wingaba umwana wakwa Lesa uwacitemwiko no kucite cintu nga cilya?”

Natontonkenye, “Shikulu, lekeni njasuke uyu muntu uwa cenjela. Mwamona? Imwe lekeni fye ine mwasuke, pa cifulo cimo, cilya calamukulika pa ntambo yakwe umwine.” Ee.

Natile, “Cisuma,” natile, “mukwai, bushe mwalitala ukubelenga pali kemba umukalamba uwa nyimbo uwitwa... upanga inyimbo umukalamba uwitwa Beethoven?”

Atile, “Owe, mucine, nalibelenga pali Beethoven.”

<sup>185</sup> Natile, “Ena nalimo alilepwile amapepala ukuisusha umwakuposela ifisoso, lelo ena apele isonde ifiputulwa ifya wamisha.” Ena tatalile ukwisula akanwa kakwe nokusosa ishiwi limbi. Natile, “Ilyo ena aikele umo ena asomena mukuputwa, ena kuti alemba icintu cimo. Ena kuti aingila umwakusomena no kupepa. Cena tacalii icalungama, ena kuti ailepula no kuposela umwakuposela ifisoso. Lelo ilyo ena apwile, mukuputwa konse, isonde lyalikwete iciputulwa cawamisha.”

Owe, ifyo Icebo ciputula, lelo Cena cilafumya ifiputulwa ifyawamisha; uh-huh, cilafumyapo ifikapa fyonse ne mipeti. Cilaleta iciputulwa Icawamisha.

<sup>186</sup> Ninkwata ama miniti cinelubali ukumweba icintu cimo ico cacitike bulya bushiku, ukufuma pa nshita. July ubwalenga citatu, nali kulubali ukwikala mu i...iyi ncende uku lubali, incende ya matuka uku kwine ukufuma fye kuno kuli ifwe. Naliyako mu Pigalle, mu Rome, mu France, kabili naliyako ku New York City, Los Angeles. Lelo ibumba ilya kowela nganshi ilya banakashi natala ukumonapo mu bumi bwandi lya ba mu Jeffersonville, Indiana. Nalimona ifiko ifingi nganshi no busali mubumi bwandi nge fyo ndemona pakati ka bantu. Nalikele palya mpaka umutima wandi walyumfwile ububi, kabili Shikulu alimpele icimonwa.

Nomba nalamweba ici monwa. Nshishibe nga cakuti kuti nailula cena, lelo ine—nalalanda icimonwa umuku wandi uwakubalilapo.

<sup>187</sup> Naishileya mu cimonwa. Kabili, ilyo nacityle, kwaliko umuntu na ine. Nshamwene muntu. Cena cali fye Shiwi. Kabili ine—nali lolekeshe. Kabili ilyo ine—ilyo ine—nalolekeshe ulu lubali, Atile, “Nabwinga alaisa palwalala mukumonekela.”

Kabili nalilolekeshe, ukwisa kuli ine, kabili nalimwene uwacilamo—ibumba ilyawamisha nganshi ilya banakashi abafwala ubusaka nshatala monapo mubumi bwandi. Lelo cila umo uwa bena, camoneke kwati, bafwele abapusana. Bonse balikwete mishishi itali. Kabili bena balikwete amalaya ya

maboko ayatali na masiketi, kabili na fimbipo. Abanakashi abacaice, bamoneke abapala, kuti nasosa, nalimo amakumi yabili.

<sup>188</sup> Nomba ninkwata Baibele iyaisuka kuno kuntanshi yandi. Mwamona? Ine kuti nasosa fye ico namwene.

Nga mwasosa, “Ni cinshi ico mulelolekeshapo?” Ndelolekesha pa nkoloko. “Cinshi ico mulefwaya?” Ndefwaya abantu, ukulolekesha pa bantu. “Ni cinshi ico mulelolekeshapo?” Ndelolekesha pali Baibele. Cilya ni cinshi. Ndelanda Icine. Cilya eco ndemona. Kabili ine kuti nasosa fye ico na mwene. Nshishibe—nshishibe ifyo cena. . . fyonse palwa cena. Ningile fye ukumweba.

<sup>189</sup> Lelo, ilyo uyu Nabwinga, Wene alelolekesha fye ukutonta fye pali. . . Ulya wine uwalanda kuli ine, kabili ine, ukwiminina capamo. Amenso yakwe, Wene ali uwabusaka nganshi, abantu abalemoneka abasuma nganshi nshatala monapo mubumi bwandi. Camoneke kwati bali ikumi limo na babili, atemwa ukucilapo, ukuba fye. . . Nshishibe ni banga abali kuntanshi, lelo kwali fye ibumba lya bena. Kabili Wene alipitile, umusuma, no mwela. Kabili amenso Yakwe, ukulalekesha, ilyo Wene apitile. Owe, Wene ali uwaemba! Nalolekeshe pali Wene, kabili ilyo Wene apitile. Atile, “Nomba ifwe twalalangisha. . .” Atile, “Ulya ni Nabwinga.”

“Nomba twalalangisha inkuta.” Kabili shena shalishile. Nalishimwene shena ukwisa. Kabili ilyo shaleisa, cila lumo, camoneke kwati, caishilebipisha nganshi. Nshatala monapo ibumba iyakowela nganshi mubumi bwandi.

Kabili ilyo Asosele, “Uwalakonkapo,” naumfwile icongo. Kabili Lyatile, “Ulwalakonkapo,” lyatile, “ili lyaisa ibumba ilya America.”

<sup>190</sup> Nomba, ndi mwina America, lelo ici—ici canengele ukulwala. Nshaba uwaishibisha uku, mwi bumba ilya sankanishiwa, ukusosa ico calecitika. Ine—ine—ine. . . Kabili imwe mulingile ukubelenga pakati kamishilwa. Lelo ilyo abanakashi baleisa, intungulushi yabo yali ni ndoshi. Wene alikwete umona utali nakanwa akakalamba kakulu. Kabili bonse muli bena balifwele fimo ifyapala nge fyakufwala fya kwisamba ukufika umu; lelo pa mulu pali fye utumishipi, icakutila, akanono fye, nalimo akamushipi akepi ako akaile pa mulu no kushingulukuka pali bena nge *fi*. Kabili umwanakashi onse alikwete icintu cimo mubutantiko. . .

<sup>191</sup> Mwebengi imwe, imyaka yapitapo, mwaleibukisha ilyo twaleputula lilye pepala, namwishiba, ipepala lyelyashi, kabili ukupanga lunshi uwa kale uwa mumpanga? Ni banga abaleibukisha cilya? Namwishiba. Cinshi, ndetontokanya balacibomfya mu filangisho, namwishiba. Ukulebela panshi nga filya, ipepala lya minkone, ipepala lya masenkebele.

Bena balikwete icintu cimo ukwikatilila mwisamba lyabo, nge *fi*, ukwikatilila mwisamba lyabo. Conse *ici* ciputulwa calipalwalala.

Kabili cila umo alibeyele mishishi ukushala utunono, kabili ifintu fyalemoneka ifyafulungana pa mulu wa yena nga filya, imishishi ipi sana; kabili abakwata ne fya kusuba. Mucine tapali nangu cimo kano icamoneke nga bacilende aba mu musebo.

Kabili bena baleenda ne li pepala, kabili, ifyabunani! Nomba, ipepala elya bafimbile pa ntanshi ya bena. Lelo ilyo bena bapitile apa kulangishishako, kunuma ya bena . . . kabili ukumona umusango bena baleendelamo, ku ntanshi yabo kabili na kunuma yabo, kabili no musango balecitolamo!

Natile, “Bushe lulya Lukuta?”

<sup>192</sup> Kabili kulya alile. Kabili bena baleimba ishi apa isha twist na roll inyimbo, namwishiba, atemwa conse ico mucita, ukulaya, ukwimba shilya nokulapita.

Natile, “Bushe lulya e Lukuta?” Kabili naliminine kulya, kabili mu mutima wandi nalelila.

Kabili, uyu muloshi, kukumona kwandi tacaba icintu cimbi mwi sonde lelo wene aba ni . . . Wene ni kalya Kabungwe ka Machalichi ke Sonde, ukubatungulwila kulya kwine mu nshila uko ena aleya. Bena baile kulubali lwa kukuso, no kukana moneka mu mfifi; nalyo line ukulalisha ishi nyimbo no kupanga ciunda icakusekesha nganshi, nokutenkanya imibili yabo, ulubali lumo kabili elyo no lubali lumbi. Kabili lyena, nga filya, ukulaya nga filya, ukulaenda.

<sup>193</sup> Kabili natendeke fye ukukontamika umutwe wandi, kabili Atile, “Lolela, Nabwinga alingile ukwisa nakabili.”

Kabili nalilolekeshe, kabili uyu alishile nakabili. Kabili bena, balipitile, ba namayo abanono abalemoneka bwino. Bena bonse balelolekesha ukutonta fye pali ine, ilyo balepita. Kabili nalimwene cila umo afwele mukupusana. Kabili umo kunuma alikwete icapala nga imishishi itali ukulebela panshi, kabili akwete yena ukupombwa nge *fi*; bena limbi abena German atemwa icintu cimo icapala filya. Kabili nalibalolekeshe.

Kabili ilyo batendeke ukuya, babili atemwa batatu muli bena kunuma, bali nga bafumine mulutampulo, kabili nali no kubilikisha kuli bena. Kabili bena baleesha ukubwekela mulutampulo nakabili. Kabili nalibamwene, icimonwa fye caishilepwa no kwalulwa, ukufuma kuli ine.

<sup>194</sup> Nomba ubu apa ubwilulo. Umulandu . . . Nomba, ibukisheni, nali pwile fye ukulemba . . . Nshapwishishe, nshilalemba filye fyakulemba na nomba. Lelo mukushimikila, muno lucelo, nacimona ifyo cena cali, mukubila fye kwandi. Bushe mwalimona, ulukuta lwaishilemonekela . . .



Nomba, cilya Cishinka, mwe banandi. Tata uwa ku Mulu, Uyo ulemba Icebo, naishiba ukutila ndelanda Icine. Mwamona? Ninjishiba ndesosa fye Icine.

Kabili ukwabula ukwishiba cena mpaka ama miniti ayanono ayapitapo, camoneke kwati, atemwa ili line fye, mwamona. Bushe na mumona? Nabwinga aishile mukumonekela imiku ibili; Imbuto ya ntanshi kabili ne mbuto ya cibili, bonse muli bena filya fine Umo wine. Kabili umulandu bena balefuta . . . bafwele mu misango yapusana, Wene afumine ukufuma ku nko shonse, cena cikapanga Nabwinga. Cila umo akwete mishishi itali, kabili ukwabula ifya kuisuba suba, kabili abakashana abaemba nganshi. Kabili bena balendololekesha ine. Ulya aiminineko Nabwinga ukwisa ukufuma ku nko shonse. Mwamona? Wene, cila umo aiminineko inko, ilyo baleenda mukupwililika mu mushilwa ne Cebo. Mwamona?

<sup>195</sup> Kabili, lyena, ningile ukulolekesha Wene. Wene ali no kufuma muluntampulo na cilya Cebo nga nshilelolekesha, ilyo Wene alepita, nga Wene apita. Nalimo calaba inshita yandi, ilyo napwisha, mwamona, ilyo napwishiwa, atemwa conse fintu cili.

<sup>196</sup> Cinshi? Bena batendeke ukubwela. Ukwesha mubusuma bwabo bonse, kabili balebwela, ukwisa fye mu mushilwa; pantu, bena—bena balelolekesha kunse ku cifulo cimo, ukulolekesha pali lulyo lukuta ulo lwaile mu mfifi. Lelo babili . . . Aba kuntanshi, tabatalile. Abakunuma, babili fye atemwa batatu aba bena, bali nga batampwile ukufuma kunse panono kulubali lwa ku kuboko kwa kulyo, kabili camoneke kwati baleesha ukubwelelamo mu mushilwa ilyo balepita. Bena baishilempitilila ine, owe, ukufika apa pa cibumba, ku mpitilia. Kabili naliminine palya. Kabili elyo namwene fye cena conse ukufumapo no kuya.

Lelo, mulemona, ulukuta lwaishile fye mukumonekela umuku umo, cile nko, ulukuta. Lelo Nabwinga aishilemo imiku ibili. Mwamona, mwamona ifyo cena cali? Nomba, ukwabula ukwishiba cena, lelo lolekesheni pali cena ne Mbila yandi muno lucelo. Ukwabula ukwishiba cilya, mwamona?

<sup>197</sup> Imbuto yaponene mu mushili ku Nicaea. Ilya yali ni mbuto yantendekelo. Kabili yena yalisa ukupita mu mibomble ya ifi filonganino, ico cisa fye mukumonekela umuku umo. Lelo Nabwinga alebwelela nakabili mu nshiku sha kulekelesha. “Nkabwekeshapo.” Mwamona, iciputulwa Icawamisha cileletwa pa mulu. Ulya e mulandu wine Wene ali mukumonekela, amonekele nakabili, umuku wacibili. Wene amonekele umuku wa ntanshi, elyo wene amonekele umuku wa cibili. Kabili Wene ali mukupwililika, umuku wacibili, nge fyo Wene ali umuku wa ntanshi. Mwe Lesa, kwateni uluse! Angufyanyeni, angufyanyeni, angufyanyeni, Umweo, ingileni mu Luseke, bwangu bwangu fye! Uh-huh.

198 Bonse abashala tabatalile ukumoneka. Bali fumine, ukwabula kubwela nakabili.

Lelo Nabwinga aishile bwela, pantu Wene ali ni Alifa na Omega. Lesa, Kabasa mukalamba, napanga Wene iciputulwa Icawamisha, pantu Cena ciputulwa ica ciputulwa Icawamisha Cakwe ica ntanshi. Nge fyo Ena alengele mwi bala lya Edeni, nokusenda iciputulwa, no kupanga iciputulwa cimbi ico caonawilwe no kuwa, nomba Ena aba yonse iyi nshita ukukula nakabili cena. Kabili Ena aletele ici ciputulwa Cawamisha, kabili calipuminwe, pa kutila...Cilye ciputulwa ico capuminwe, cali mubutantiko kukubwekesha nakabili cilya ciputulwa Icawamisha, nakabili.

199 E ico, iciputulwa Cawamisha, kabili no Mwana wa kwa Lesa, iciputulwa Cawamisha na Nabwinga, kabili Cena ciputulwa ca Wene, ico cilingile caba ukufikilisha kwa Cebo. Icebo nacifikilishiwa, kabili ifwe tuli abaiteyanya palwa Kwisa kwa kwa Shikulu.

200 Mwe Lukuta lwakwa Lesa uwa mweo, kontamikeni imitima yenu ne yenu—mwe bene kuli Lesa. Ifi fintu fya cine. Ninjishiba fyena fileumfwika nga filya, icintu icikalamba nganshi nge fyo cilya cingaba, kuti casalanganishiwa kulya kunko. Cena tacatala ukuba. Ena tapilibula inshila Yakwe. Toteleni fye, mwe Lukuta, beni abakutasha ukutila muli apo mwabela ilelo nga muli mulii Kristu. Pantu, mulemona, nomba, kabili ilyo cilya . . .

201 Ibukisheni, bulyo Bumi bonse bukalonganikwa mu Luseke, pa kubuka, lelo umupeti ulingile ukocewa. Uwa shala wa wene; icikapa na fyonse, filingile ukonaulwa, kabili fikaba. Mwiesha ukusubila mu fyenu, filye filonganino. Imwe ikaleni mu Cebo, Umweo, Lesa ne ciputulwa Cakwe Icawamisha.

202 Lyena ni cinshi cena mu Millennium? Kristu na Nabwinga Wakwe, ukubwekela mwi bala ya Millennium. Ameni!

Nali Mutemwa, nali Mutemwa  
Pantu Ali ntemenwe  
No kushite pusukilo lyandi  
Pa Kalbale.

203 Palya epo Ena apuminwe. “Ifwe twalimumwene Wene uwapumwa, ukumwa na Lesa, nokucushiwa. Lelo Ena afwantilwe pa fya bupulumushi fyesu, Ena alashilwe pa ma mpulu yesu.”

204 Bushe kuliko umo muno, muno lucelo, uyo ushili muli lulyo Luseke muno lucelo? Kabili nge fyo Ubumi bwena nomba buletinta iciputulwa ca buko ica kulekelesha ukufuma ku cikapa, pantu icikapa cileuma. Ni banga abaishiba ukutila ulukuta lwa Pentecostal luleuma? [Ulukuta lwatila, “Ameni.”—Ka.] Cena ni cinshi? Ubumi bulefuma muli cena.

Mu cishinka, bwena na bufuma. Kabili nga ulya Nabwinga ali kale mukumonekela, ndesunguka nga Nabwinga tali uwapangwa kale, lyena. [Munyina Branham alengwi'ngwinta, *Nali Mutemwa.*]

. . . nali Mutemwa, nali Mutemwa  
Pantu Ali ntemenwe  
No kushite pusukilo lyandi  
Pa Kalbale.

<sup>205</sup> Ne mitwe yesu iyakontmaikwa nomba. Bushe kuliko bamo muno abo abengatemwa ukwibukishiwa? Nga muleumfwa ukutila imwe ta muli . . .

Mwe banandi, cena cili palwalala nganshi. Nshatala ukukwatapo icimonwa mu bumi bwandi, kano fye cintu cimo calicitike, ukukonka. Ndelanda Icine. Shonse shi nshita shimbi, nga nalilanda Icine, Lesa alishininkisha cena. Kanshi, ndelanda Icine ino nshita.

<sup>206</sup> Nshishibe ubushiku ubo tuleikalamo, lelo ninjishiba takuli nangu cimo icisheleko. Takwaba uwa ma politiki uwa ima uyo wingalungamika ici cintu. Ama politiki, inko naiya. Mwe Lesa! Bushe imwe, kuti mwaya mukati nganshi uku—uku—ukumfwa cilya. Inko na iya; te nko, lelo inko shonse. Ili e bumba lyawamisha, kabili lyena naliya. Kanshi, nge nko nashiya, isonde naliya. Kabili ne nkuta, kwi tontonkanyo lyandi, Pentecostal yali iya wamisha iyobakwete, lelo yena naiya.

Mwe Lesa, tubeleleni uluse!

<sup>207</sup> Inga imwe ta mwamwishiba Wene, napapata endesheni, endesheni. Nga muleumfwa Ubumi, fumeni muli i . . . fumeni mulubembu lwenu, fumeni mu cintu ico mulimo. Kabiye ni ku Luseke, bwangu bwangu. Imwe muli nokufwila mu mupeti, atemwa mu cikapa.

Pepeni, ilyo tuleimba nomba. “Nali Mutemwa.”

Cili kuli imwe nomba. Ifwe tatwakwata icilonganino, nangu cimo. Ifwe twakwata fye Kristu. Imwe mulesengelwa ukushinshimuna pamo Nankwe, pamo na ifwe, mpaka Ena akese. Ifwe teti tubike shina lyenu pe buku; ifwe tatwakwata ama buku. Ifwe tulefwaya ishina lyenu mwi Buku lya Mweo. Imwe kuti mwacita fye cilya ukupitila mu Kufyalwa. Bushe tamwacite ino ine nshita? Lombeni kuli Kristu pa Mweo upya, ukumuletamo, ukubika shina lyenu pe Buku Lyakwe, nga lyena talyaba. Lyena, imwe kuti mwakwata isenge pamo na ifwe, ifwe kuti twatemwa ukuba naimwe. “Ine . . .”

<sup>208</sup> Lesa umutemwikwa, afwilisheni cila muntu nomba ukukwata ukucenenta, ukumona ga ifwe tuli muli Wene. Imwe mwali tutemenwe. Imwe mwafwantilwe pa mulandu wa ifwe, kabili ifwe twalimumwene Imwe ukupumwa no kucushiwa na Lesa. Ndepepa, Lesa, ukutila Imwe mwalaita

cila umo. Shikulu, landeni ku bana bandi, abatemwikwa bandi, aba nandi. Peleni cena, Shikulu, ino ine fye nshita, ukupitila mwi Shina lyakwa Yesu Kristu.

<sup>209</sup> Mwileka umuntu nangu umo alolele inshita itali sana, Shikulu. Cilemoneka ukuba mupepi nganshi. Ukulobolola mu cine na kupya. Icakusepelako icikalamba icakwa Lesa cikapita mu mpanga bumo muli ishi nshiku, ifyani fikapupuka ukuli konse; lelo Ingano shikalonganikwa mu butala, ukusendwa pa mulu, pantu muli Shena muli Umweo. Peleni, Shikulu, conse icakulomba ukwasukwa, ipepo lyonse ukulengwa ukumonekela ku cinso Cenu.

<sup>210</sup> Ndebapepelako bena, Shikulu. Ndepepa ukutila Imwe ta mwasuminishe uuli onse uli muno ukuluba, Shikulu. Bena—bena—bena bacikala no bwafya; bena—bena—baleensha ba motoka ba mailoshi imyanda. Kabili conse ico tulekabilapo, peleni kuli ifwe, Shikulu, ico conse icili icisuma kuli ifwe, Shikulu; te ico icili icisuma mu cinso cesu, lelo ico cili icisuma mu cinso Cenu. Ifwe tulefwaya ukwiminina nga na cisungu uwa musangwela uyo wafundwa, ku kwebaulwa na Lesa, pa kutila twingasangululwa ku membu shesu. Kabili ndebapepelako bena, Shikulu.

<sup>211</sup> Ine—ine—nshaishiba ifyakupepa. Ifwe—ifwe tulelanda kuli Lesa Impalume. Kabili abantunse bonse abali kulya, mwina kumfwa nshi uyo winga pepa ipepo lyalungama ku cinso cakwa Lesa uwa mweo? Lelo, Shikulu, ifyebo fyandi fyabulo kulumbulwa bwino, kabili abandi—kabili ba noun bandi na pronoun mu—mu cifulo calubana; nga Imwe kuti mwasenda ba ABC ku kamulumendo akanono ubushiku bumo, kabili—kabili ukupanga ishiwi, Imwe—Imwe kuti mwafumyapa ba noun bandi na ba pronoun no kulolesha fye ku fyo nacetekela, Shikulu.

Ndecetekela Imwe. Ndecetekela ici Cebo. Kabili ndecetekela cila umo muno. Kabili ine—ndeleta bena kuli cilya Cipailo, Shikulu, kucitetekelo, uko pakati kesu na Yehoba Mukalamba pali Umulopa uwa Mwana Wakwe, Yesu. Kabili Umulopa ukatulandilako ifwe. Ilyo Imwe mwamupumine Wene pa Kalbale, Mwatile, “Landa!” “Mumfweni Wene!” “Kabili Umulopa,” Baibele itila, “ulanda ifintu ifyacilamo ukucila umulopa wa mwana wa mpaanga mu Cipingo ca Kale, pantu Mulopa wa kwa Kristu ulanda ifintu fya cilamo ukucila umulopa wakwa Abele; ifintu fyacilamo.” Kabili landeni, Shikulu, ukulubula kuli ifwe, ilyo tuleita ukupita mu Mulopa.

<sup>212</sup> Tata umukalamba uwa Mweo, tubikenipo ifwe, Shikulu. Nga ifwe—nga ifwe natubembuka, fumeni cena pali ifwe. Ifwe, tatulefwaya ukuba muli ulya musango, Shikulu. Cena te bufwayo bwesu.

Kabili tulemona ifwe tuleikala muya bipisha nganshi, inshila ya mfifi. Nge fyo twacisosa pa kutendeka, ifwe

tuleenda pa lupili, ukupita mu ncende shakalabana. Akashila takalemoneka sana, lelo ifwe natukwata Ulubuuto. Lekeni tumone, ulutampulo pa lutampulo, ilyo tuleya nomba; mpaka tukakumane, ngo *Mutandashi Uwalundulwike*, mpaka ifwe mukulekelesha tufike pa mulu wa Lupili. Tutungululeni, mwe Kacema. Yehoba mukalamba, tutungululeni ku Mupashi Wenu.

<sup>213</sup> Kabili ifwe twalishiba ukutila tuli abataluka ukufuma ku ciputulwa icawamisha; lelo tulelolekesha uko ifwe twaputwilweko, iciputulwa Cawamisha icituntulu, kabili muli Wene twalisubila. Tusendeni fye kuli Wene, Shikulu. Peleni cena, Shikulu.

<sup>214</sup> Undapeni bonse abantu abalwele pano, Shikulu. “Ifwe twali mwene Wene uwa umwa no kucushiwa. Lelo Ena afwantilwe pa ma mpulu yesu.” Iciputulwa Cawamisha icakwa Lesa calipuminwe. “Kabili Ena afwantilwe pa fya bupulumushi fyesu; mu filaso Fyakwe twalyundepwe.” Undapeni abalwele, Shikulu, mu Mulola Wenu uwa Bulesa nomba, ilyo twishibe ukutila Imwe muli muno.

<sup>215</sup> Sangululeni imyeo yesu, imitima yesu, ukufuma ku bubifi bonse, amatontonkanyo yonse ayabipa, ilyashi lyonse ilyabipa, ifintu fyonse ifili fyalubana. Tusangululeni. Kabili ifwe tulepepa, Tata, ukutila Imwe muli no kundapa amalwele yesu, no kutuleka ifwe ukufuma pano ukumfwa ukutila ifwe tuli abana Benu abasangululwa. Kabili no Mulopa pali ifwe, ifwe tulelanda ukupita mu Mulopa, Icebo. Peleni cena, Shikulu. Twalombela mwi Shina lyakwa Yesu Kristu. Ameni.

<sup>216</sup> Tata Lesa, pali utu tutambala, tsubeni twena no Mulola Wenu, Shikulu. Lekeni Umulola Wenu ube natwena konse uko tuli no kuya. Bonse abo tukabikwapo, pa mubili uuli onse ulwele, lekeni bena bondapwe. Kabili conse efyo cili, nga kuliko inga’nda iyaonaika ku cifulo cimo, ibikeni pamo, Shikulu, Kabasa umukalamba. Peleni cena, Shikulu.

<sup>217</sup> Tubumbeni, no kutulenga ifwe ukuba abana baume na bana banakashi bakwa Lesa. Tulecetekela Nabwinga alekwata ukuwamishishwa kwakwe ukwa kulekelesha. Wene akapumwa ukufuma ku kabungwe konse, capamo, kabili elyo ukulobolola ukukalamba kukaba pano. Mpaka lilya, Shikulu, lengeni bena ukuba aba bumi busuma kabili abansansa, ukubombela Imwe. Mwi Shina lyakwa Yesu. Ameni.

Nali Mutemwa, ine... (Bushe mucine mwali  
Mutemwa?)

Pantu Ali ntememwe  
No kushite pusukilo lyandi  
Pa...

<sup>218</sup> Nomba bushe muleiluka umulandu myebawila? Cilya tacaba pa mulandu nali mutemwa... tacaba pa mulandu nsha

mutemwa. Nali mutemwa. Ndefwaya iciputulwa Cawamisha icakwa Shikulu. Ine limbi kuti naonaulapo ifinono nge fi, lelo ndi no kukwata iciputulwa Cawamisha, shimo muli ishi nshiku, nga nasunga fye cena pali ici cine Cebo. Cisuma.

<sup>219</sup> Nomba Yesu atile, “Ici bantu bonse bakeshiba ukutila muli basambi bandi, ilyo mwakwata ukutemwana umo no mubiye.” Ifwe tulingile twaba mukutemwana nganshi umo no mubiye!

Walipalwa umwando watukaka  
Bonse muli Kristu;  
Mwi senge  
Ili nge lya ku Mulu.

Natwikatane amaboko umo no mubiye.

Nga twapatukana,  
Tulailishanya;  
Tumonana mu mitima,  
Tukaya kumana.  
Bule Shina lyakwa Yesu,  
We mwana wa bulanda;  
Likakupela buseko,  
Konse uko ukaya.  
Shina, lyawama!  
Lya panshi no Mulu;  
Ishina, lyawama!  
Lya panshi no Mulu.

Nomba ibukisheni, mu bulendo bwenu:

Bule Shina lyakwa Yesu,  
Nge cishangu konse;  
Ilyo waba nokweshiwa lilu-. . . (ni cinshi ico  
mucita lyena?) . . . -mbule,  
Lilumbule upepe.  
Ishina, lisuma!  
Lya panshi no Mulu;  
Ishina, lisuma!  
Lya panshi no Mulu.  
Tukakumane!

Natukontamike imitwe yesu. Owe, nalitemwa ukwimba!

Tukakumane;  
Tukakumane! tukakumane!  
Lesa abe na imwe!



*ICIPUTULWA ICAWAMISHA* BEM64-0705  
(The Masterpiece)

Iyi Mbila na Munyina William Marrion Branham yaletelwe intendekelo mu Cingeleshi pa Mulungu ulucelo, Julai 5, 1964, pa Branham Tabernacle, mu Jeffersonville, Indiana, U.S.A., yafumishiwa muli tape iyambulwa kabili nailembwa ukwabulo ukulundamo mu Cingeleshi. Uku ukwilula kwa mu Cibemba kwa lembelwe no kupelwa na ba Voice Of God Recordings.

BEMBA

©2009 VGR, ALL RIGHTS RESERVED

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Icishibisho ukufuma ku mwine kalemba

Insambu shonse tashisuminishiwe. Ili buku kuti lya lembwa pali pulinta yapa ng'anda ku kubomfya kwa muntu pa lwakwe nangu ukupela, ukwabula amalipilo, nge cipe caku sabankanya Imbila nsuma iya kwa Yesu Kristu. Ili buku tekuti lishitishiwe, ukulembululwamo ayengi, ukubikwa pa mwela, ukusungila muli ba mashini, ukwalula mu ndimi shimbi, nangu ukuli bomfya ku kulomba indalama ukwabula insambu shalebwa na ba Voice Of God Recordings®.

Nga mulefwaya ukwishibilapo nafimbi nangu ukufwaya na fimbi ifyabapo, twalomba tumeni kuli ba:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)